

清涼國師華嚴疏鈔

七十ニ
七十九

帝

C40
4514



10

1 2 3 4 5 6 7 8 9

20

1 2 3 4 5 6 7 8 9

10

1 2 3 4 5 6 7 8 9

C40-4514

了翁上人請大藏及百
家書。安武州紫金山
我微矣。塔院直房中水
為學者不敢許出院內
之。一。正義。卷。三。



B 64853

所。

大方廣佛華嚴經疏鈔卷七十三

于闐國三藏沙門實叉難陀

譯

入法界品第三十九之十四

清涼山大華嚴寺沙門澄觀撰述

爾時善財童子往大願精進力救護一切衆生夜神

一疏八大願精進力夜神寄不動地無功用道任
大願風普救護故。鈔寄第八不動多有謂無分
別智。任運相續。相用煩惱不能動故。
疏第一依教趣求。畧無念法。亦表無功離念故。

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

見彼夜神在大衆中。坐普現一切宮殿。摩尼王藏師子之座。普現法界國土。摩尼寶網彌覆其上。

疏第一見彼夜神下。見敬詔問然亦含一意。若約顯說。則自此盡偈皆第二段。至夜神答言下。方屬第三授已法界。若約密授。則此現勝用已爲授已法界。善財發同善友心。便已得益義。雖通二爲欲順文。且依前判就文分三。初見勝用。次時善財童子下。設敬證入。後爾時善財說此偈已下。詔問法要。今初先總見所依。

現日月星宿影像身現隨衆生心。普令得見身。現等

一切衆生形相身現。無邊廣大色相海身。現普現一切威儀身。現普於十方示現身。現普調一切衆生身。現廣運速疾神通身。現利益衆生不絕身。現常遊虛空利益身。現一切佛所頂禮身。現修習一切善根身。現受持佛法不忘身。現成滿菩薩大願身。現光明充滿十方身。現法燈普滅世暗身。現了法如幻淨智身。現遠離塵暗法性身。現普智照法明了身。現究竟無患無熱身。現不可沮壞堅固身。現無所住佛力身。現無分別離染身。現本清淨法性身。

疏後現日月下。別顯身相。有二十四身。初十卽應

機攝化身。次現一切佛所下六身。是應法成行身。
餘是離障。契理身。多隨內德應顯。身差別見身了
心。

時善財童子見如是等佛刹微塵數差別身。一心頂
禮舉體投地。良久乃起合掌瞻仰於善知識生十種
心。何等爲十。所謂於善知識生同已心。令我精勤辦
一切智助道法。故於善知識生清淨自業果心。親近
供養生善根。故於善知識生莊嚴菩薩行心。令我速
能莊嚴一切菩薩行。故於善知識生成就一切佛法
心。誘誨於我令修道。故於善知識生能生心。能生於
我無上法故。於善知識生出離心。令我修行普賢菩
薩所有行願而出離。故於善知識生具一切福智海
心。令我積集諸白法。故於善知識生增長心。令我增
長一切智。故於善知識生具一切善根心。令我志願
得圓滿。故於善知識生能成辦大利益心。令我自在
安住。一切菩薩法。故成一切智道。故得一切佛法故。
是爲十。

疏二設敬證入中四。第一設敬陳禮。第一於善知
下。發增勝心。第二發是心已下。深證懸同。第四既
獲此已下。以偈慶讚。初二可知。

發是心已得彼夜神與諸菩薩佛刹微塵數同行。

疏三中有標釋結今初由前起同已等十心故得同善友等行通論同有四義一人法無一與一切法界同二因果無一與一切諸佛同三自他無二與一切菩薩同四染淨無二與一切衆生同今云得彼夜神與諸菩薩同菩薩行則正是第三義兼餘二由見初故則不殊餘二方爲究竟之同良以八地證無生理自他相作皆無礙故偏此明同故下列中有無生忍鈔今初由前起同已者疏文有三初得同之因二同有四義下示同之相言由

見初故不殊餘二者謂由證見法界體同故上同諸佛下同衆生云不殊餘一則於菩薩爲究竟之同三良以入地下偏說此文明同之由

所謂同念心常憶念十方一切三世佛故同慧分別決了一切法海差別門故同趣能轉一切諸佛如來妙法輪故同覺以等空智普入一切三世間故同根成就菩薩清淨光明智慧根故同心善能修習無礙功德莊嚴一切菩薩道故同境普照諸佛所行境故同證得一切智照實相海淨光明故同義能以智慧了一切法真實性故同勇猛能壞一切障礙山故同

色身隨衆生心示現身故。同力求一切智不退轉故。同無畏其心清淨如虛空故。同精進於無量劫行菩薩行無懈倦故。同辯才得法無礙智光明故。同無等身相清淨超世間故。同慶語令一切衆生皆歡喜故。同妙音普演一切法門海故。同滿音一切衆生隨類解故。同淨德修習如來淨功德故。同智地一切佛所受法輪故。同梵行安住一切佛境界故。同大慈念念普覆一切國土衆生海故。同大悲普雨法雨潤澤一切諸衆生故。同身業以方便行教化一切諸衆生故。同語業以隨類音演說一切諸法門故。同意業普攝

衆生置一切智境界中故。同莊嚴嚴淨一切諸佛刹故。同親近有佛出世皆親近故。同勸請請一切佛轉法輪故。同供養常樂供養一切佛故。同教化調伏一切諸衆生故。同光明照了一切諸法門故。同二昧普知一切衆生心故。同充徧以自在力充滿一切諸佛刹海修諸行故。同住處住諸菩薩大神通故。同眷屬一切菩薩共止住故。同入處普入世界微細處故。同心慮普知一切諸佛刹故。同往詣普入一切佛刹海故。同方便悉現一切諸佛刹故。同超勝於諸佛刹皆無比故。同不退普入十方無障礙故。同破闇得一切

佛成菩提智大光明故。同無生忍入一切佛衆會海。故同徧一切諸佛利網恭敬供養不可說利諸如來。故同智證了知彼彼法門海故。同修行順行一切諸法門故。同希求於清淨法深樂欲故。同清淨集佛功德而以莊嚴身口意故。同妙意於一切法智明了故。同精進。普入一切諸善根故。同淨行成滿一切菩薩行故。同無礙了一切法皆無相故。同善巧於諸法中智自在故。同隨樂隨衆生心現境界故。同方便善習一切所應習故。同護念得一切佛所護念故。同入地得入一切菩薩地故。同所住安住一切菩薩位故。同記荊。一切諸佛授其記故。同三昧。一利那中普入一切三昧門故。同建立示現種種諸佛事故。同正念正念一切境界門故。同修行盡未來劫修行一切菩薩行故。同淨信於諸如來無量智慧極欣樂故。同捨離滅除一切諸障礙故。同不退智與諸如來智慧等故。同受生應現成熟諸衆生故。同所住住一切智方便門故。同境界於法界境得自在故。同無依永斷一切所依心故。同說法已入諸法平等智故。同勤修常蒙諸佛所護念故。同神通開悟衆生令修一切菩薩行故。同神力能入十方世界海故。同陀羅尼普照一切。

總持海故同秘密法了知一切修多羅中妙法門。故同甚深法解一切法如虛空故同光明普照一切諸世界故同欣樂隨衆生心而爲開示令歡喜故同震動爲諸衆生現神通力普動十方一切刹故同不虛見聞憶念皆悉令其心調伏故同出離滿足一切諸大願海成就如來十力智故。

疏二所謂下列釋八十四同各有標名釋義文相自顯。

時善財童子觀察大願精進力救護一切衆生夜神起十種清淨心獲如是等佛刹微塵數同菩薩行。

疏二時善財童子觀察下總結。既獲此已心轉清淨偏袒右肩頂禮其足一心合掌以偈讚曰。

我發堅固意志求無上覺今於善知識而起自己心以見善知識集無盡白法滅除衆罪垢成就菩提果我見善知識功德莊嚴心盡未來利劫勤修所行道我念善知識攝受饒益我爲我悉示現正教真實法關閉諸惡趣顯示人天路亦示諸如來成一切智道我念善知識是佛功德藏念念能出生虛空功德海與我波羅蜜增我難思福長我淨功德令我冠佛縉。

我念善知識能滿佛智道。誓願常依止。圓滿白淨法。我以此等故功德悉具足。普爲諸衆生說一切智道。聖者爲我師。與我無上法無量無數劫不能報其恩。疏第四以偈慶讚十偈分三初八頌前發增勝心。次第頌前十句初六偈各頌一句第七偈上三句頌第七下句頌第八第八偈上半頌第九下半頌第十二。有一偈頌前深證懸同三二偈頌荷恩深重。

爾時善財說此偈已白言大聖願爲我說此解脫門名爲何等。發心已來爲幾時耶。久如當得阿耨多羅修行直徵名而已文有三問。

夜神告言善男子此解脫門名教化衆生令生善根疏第三夜神告言下授已法界前卽默授今方言授於中二初答名問後答發心久近所以不答第三成菩提者有二意故一顯悲增如休捨說二顯久成示居因位故下所救千佛尚已久成况能救耶鈔故下所救千佛等者法華經如來壽量品云我實成佛已來經無量無邊不可思議阿僧祇

三藐三菩提

疏第二詔問法要前已覩解脫之用故不問云何。夜神告言善男子此解脫門名教化衆生令生善根疏第三夜神告言下授已法界前卽默授今方言授於中二初答名問後答發心久近所以不答第三成菩提者有二意故一顯悲增如休捨說二顯久成示居因位故下所救千佛尚已久成况能救耶鈔故下所救千佛等者法華經如來壽量品云我實成佛已來經無量無邊不可思議阿僧祇

顯通

華嚴疏鉢卷四十一

七

四

劫故

疏前中二先標名謂現身廣化。今生諸善。究竟得佛。故名爲根。

我以成就此解脫故悟。一切法自性平等。入於諸法眞實之性。證無依法。捨離世間。悉知諸法色相。差別亦能了達。青黃赤白色皆不實。無有差別。

疏後我以成就下顯其業用。謂契理之用。故用而無涯。動寂無二。於中三初明內契理事。鈔初明內契理事者。此義全同十通中。一切色身智通前已廣說。故但畧科總出其意。今當重說。由內證實。故外現色。所以起信論云。問曰。若諸佛法身離於色相者。云何能現色相答曰。卽此法身是色體。故能現於色。所謂從本已來。色心不二。以色性卽智性。故色體無形。說名智身。以智性卽色性。故說名法身徧。一切處所現之色。無有分齊。隨心能示。十方世界無量菩薩。無量報身。無量莊嚴。各各差別。皆無分齊。而不相妨。此非心識分別能知。以真如自在用義。故釋曰。彼雖約佛。今此位極大同佛也。次釋經文。又此三段初明內契理事。明色卽空。二明大用。廣現色身者。空卽色故。後結深廣不礙悲。

故今初由了法界無定實色。舉體卽空。而非斷空。空中無色。不礙色故。存亡隱顯。皆自在故。方能隨樂現種種色。故先明其內契事理。經中先明證實離相後雙了性相。今初悟一切法自性平等者。此句總明云何平等次云入於諸法真實之性故。謂真實性中無差別相。無種種相。無無量相。萬法一如。何有不等。此真實性依何立故。復次明證無依法。所謂不依於色。不依於空。若萬法依空空無所依。今萬法依真。真無所依。卽無依法門。故捨離世間。世間卽有種種差別斯則性尚不立。何況於相亦不依空立色。亦不依色立空。亦無異無不異無卽無不卽斯見亦絕。强名內證後悉知諸法色相差別下。雙了性相。初明了相空卽色。故後亦能了達下。此明了性色卽空故。又上句色中無空。下句空中無色。又上句色能容空。無障無礙。下句空能容色。又上句空能顯色。下句色能顯空。無障無礙。而恒示現無量色身。所謂種種色身。非一色身。無邊色身。清淨色身。一切莊嚴色身。普見色身。等一切衆生色身。普現一切衆生前色身。光明普照色身。見無厭足色身。相好清淨色身。離衆惡光明色身。示現大

勇猛色身。甚難得色身。一切世間無能曠蔽色身。一切世間共稱歎無盡色身。念念常觀察色身。示現種種雲色身。種種形顯色色身。現無量自在力色身。妙光明色身。一切淨妙莊嚴色身。隨順成熟。一切衆生色身。隨其心樂現前調伏色身。無障礙普光明色身。清淨無濁穢色身。具足莊嚴不可壞色身。不思議法方便光明色身。無能曠奪一切色身。無諸闇破。一切闇色身集。一切白淨法色身。大勢力功德海色身。從過去恭敬因所生色身。如虛空清淨心所生色身。最勝廣大色身。無斷無盡色身。光明海色身。於一切世間無所依平等色身。徧十方無所礙色身。念念現種種色相。海色身。增長一切衆生歡喜心色身。攝取一切衆生海色身。一一毛孔中。說一切佛功德海色身。淨一切衆生欲解海色身。決了一切法義色身。無障礙普照耀色身。等虛空淨光明色身。放廣大淨光明色身。照現無垢法色身。無比色身。差別莊嚴色身。普照十方色身。隨時示現應衆生色身。寂靜色身。滅一切煩惱色身。一切衆生福田色身。一切衆生見不虛色身。大智慧勇猛力色身。無障礙普周徧色身。妙身。雲普現世間。皆蒙益色身。具足大慈海色身。大福德。

寶山王色身放光明普照世間一切趣色身大智慧
 清淨色身生衆生正念心色身一切寶光明色身普
 光藏色身現世間種種清淨相色身求一切智處色
 身現微笑令衆生生淨信色身一切寶莊嚴光明色
 身不取不捨一切衆生色身無決定無究竟色身現
 自在加持力色身現一切神通變化色身生如來家
 色身遠離衆惡徧法界海色身普現一切如來道場
 衆會色身具種種衆色海色身從善行所流色身隨
 所應化示現色身一切世間見無厭足色身種種淨
 光明色身現一切三世海色身放一切光明海色身
 現無量差別光明海色身起諸世間一切香光明色
 身現不可說日輪雲色身現廣大月輪雲色身放無
 量須彌山妙華雲色身出種種鬱雲色身現一切寶
 蓮華雲色身興一切燒香雲徧法界色身散一切末
 香藏雲色身現一切如來大願身色身現一切語言
 音聲演法海色身現普賢菩薩像色身

疏二而恒下明大用無涯畧顯九十八種色身并
 初後標結卽爲百身起信等論明八地當色自在
 地故此廣辨色身種種約其類別非一約一類而
 多餘可思準鈔二而恒下明無涯大用者經中

初句云而能示現無量色身者牒前起後故云而能由上空不處色故能現色又若以色爲色不能現色今卽色非色故無不現又卽空之色方爲妙色故躡上明色空不二成上真空不二而二斯爲妙色色空融卽爲眞法界緣起無盡卽一現多起信等論明八地當色自在者起信云四者現色不相應染依色自在地能離故釋曰何以得知論是八地前有七地後有九故言等論者等取瑜伽等卽上八地由證無生絕色累故得十自在十身相作如影普現皆色自在

念念中現如是等色相身充滿十方令諸衆生或見或念或聞說法或因親近或得開悟或見神通或覩變化悉隨心樂應時調伏捨不善業住於善行善男子當知此由大願力故一切智力故菩薩解脫力故大悲力故大慈力故作如是事善男子我入此解脫了知法性無有差別而能示現無量色身一身現無量色相海一一相放無量光明雲一一光現無量佛國土一一土現無量佛興世一一佛現無量神通力開發衆生宿世善根未種者令種已種者令增長已增長者令成熟念念中令無量衆生於阿耨多羅

撰述

華嚴疏金言

附

三藐二菩提得不退轉。

疏三念念中現下。總結深廣於中四一結所作之業。一善男子當知下。結能現所因。三善男子我入下雙結寂用無礙。四一一身下。結成深廣。

善男子如汝所問從幾時來發菩提心修菩薩行。如是之義承佛神力當爲汝說。

疏第二善男子如汝所問下。荅發心久近中一初歎深許說後正答所問前中三初牒問許說一善男子菩薩智輪下歎法甚深三佛子菩薩智輪雖復下結承力說。

善男子菩薩智輪遠離一切分別境界不可以生死中長短染淨廣狹多少如是諸劫分別顯示何以故菩薩智輪本性清淨離一切分別網超一切障礙山隨所應化而普照故。

疏二中先法說後喻明今初先標後釋釋中先正釋本性約理離分別約智超障約所斷後隨所應下釋妨既無長短今說長短者爲利生故欲長則長顯法根深欲短便短顯法超勝。善男子譬如日輪無有晝夜但出時名晝沒時名夜菩薩智輪亦復如是無有分別亦無三世但隨心現。

教化衆生。言其止住前劫後劫。善男子。譬如日輪。住閻浮空。其影悉現一切寶物。及以河海諸淨水中。一切衆生。莫不目見。而彼淨日不來至此。菩薩智輪。亦復如是。出諸有海。住佛實法寂靜空中。無有所依爲。欲化度諸衆生故。而於諸趣隨類受生。實不生死。無所染著。無長短劫。諸想分別。何以故。菩薩究竟離心。想見。一切顛倒得真實見。見法實性。知一切世間如夢如幻。無有衆生。但以大悲大願力故。現衆生前。教化調伏佛子。譬如船師。常以大船。於河流中。不依此岸。不著彼岸。不住中流。而度衆生。無有休息。菩薩摩訶薩亦復如是以波羅蜜船。於生死流中。不依此岸。不著彼岸。不住中流。而度衆生。無有休息。雖無量劫修菩薩行。未曾分別劫數長短。佛子。如大虛空。一切世界。於中成壞。而無分別。本性清淨。無染無亂。無礙無厭。非長非短。盡未來劫。持一切刹。菩薩摩訶薩亦復如是以等虛空界廣大深心。起大願風輪。攝諸衆生。令離惡道。生諸善趣。悉令安住。一切智地。滅諸煩惱。生死苦縛。而無憂喜。疲厭之心。善男子。如幻化人。支體雖具。而無入息。及以出息。寒熱饑渴。憂喜生死。十種之事。菩薩摩訶薩亦復如是以如幻智平等法。

10

1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

身現衆色相於諸有趣。住無量劫。教化衆生於生死中。一切境界無欣無厭。無愛無恚。無苦無樂。無取無捨。無安無怖。

疏後喻顯有五。一皎日隨時喻。謂日體恒明。映山出沒。智無三世。心障見殊。二日輪現影喻。謂白日無來。隨處隱顯。智輪常寂。機見短長。三虛舟運物喻。喻菩薩無住攝生。四太虛無礙喻。喻於菩薩無功益物。五幻化無真喻。卽用而寂。然上諸夜神歎深。皆倣斯法喻。鈔然上諸夜神歎深。皆倣斯法喻者。然多問發心時之久近。而荅智輪卽體用諸力。

故然斯五喻非無有義。皆前已有。故疏不釋。

佛子。菩薩智慧雖復如是甚深難測。我當承佛威神之力。爲汝解說。令未來世諸菩薩等。滿足大願。成就諸力。

疏三結承力爲說可知。

佛子。乃往古世。過世界海微塵數劫。有劫名善光。世界名寶光。於其劫中。有一萬佛出興于世。其最初佛號法輪音虛空燈王。如來應正等覺。十號圓滿。彼閻浮提有一王都。名寶莊嚴。其東不遠。有一大林。名曰妙光。中有道場。名爲寶華。彼道場中有普光明摩尼。

蓮華藏師子之座。時彼如來於此座上成阿耨多羅三藐二菩提滿一百年坐於道場爲諸菩薩諸天世人及閻浮提宿植善根已成熟者演說正法。

疏一佛子乃往下正答所問先長行後偈頌前中三初善光劫中行因得法次日光劫內供佛修行後總結時處初中二光明最初佛所修證後轉生值佛修行前中三初古佛出興。

是時國王名曰勝光時世人民壽一萬歲其中多有殺盜婬佚妄語綺語兩舌惡口貪瞋邪見不孝父母不敬沙門婆羅門等時王爲欲調伏彼故造立囹圄枷鎖禁閉無量衆生於中受苦。

疏

一是時國王下先王治化囹圄者周之獄名王有太子名爲善伏端正殊特人所喜見具二十八大人之相在宮殿中遙聞獄囚楚毒音聲心懷傷愍從宮殿出入牢獄中見諸罪人杻械枷鎖遞相連繫置幽閹處或以火炙或以煙熏或被榜笞或遭臠割裸形亂髮饑渴羸瘦筋斷骨現號呼苦劇太子見已心生悲愍以無畏聲安慰之言汝莫憂惱汝勿恐怖我當令汝悉得解脫便詣王所而白王言獄中罪人苦毒難處願垂寬宥施以無畏時王卽集五百大臣

撰述

華嚴疏錄卷十一

十一

而問之言。是事云何。諸臣答言。彼罪人者私竊官物謀奪王位。盜入宮闈。罪應刑戮。有哀救者。罪亦至死。時彼太子。悲心轉切。語大臣言。如汝所說。但放此人。隨其所應可以治我。我爲彼故。一切苦事悉皆能受。粉身殮命無所顧惜。要令罪人皆得免苦。何以故。我若不救此衆生者。云何能救三界牢獄諸苦衆生。一切衆生在三界中。貪愛所縛。愚癡所蔽。貪無功德。墮諸惡趣。身形鄙陋。諸根放逸。其心迷惑。不求出道。失智慧光樂著三有。斷諸福德。滅諸智慧。種種煩惱。濁亂其心。住苦牢獄。入魔罥網。生老病死。憂悲惱害。如是諸苦。常所逼迫。我當云何。令彼解脫。應捨身命而拔濟之時。諸大臣共詣王所。悉舉其手。高聲唱言。大王當知。如太子意。毀壞王法。禍及萬人。若王愛念不責治者。王之寶祚亦不久立。王聞此言。赫然大怒。令誅太子。及諸罪人。王后聞知。愁憂號哭。毀形降服。與千嬌女馳詣王所。舉身投地。頂禮王足。俱作是言。唯願大王赦太子命。王卽迴顧語太子言。莫救罪人。若救罪人必當殺汝。爾時太子爲欲專求一切智故。爲欲利益諸衆生故。爲以大悲普救攝故。其心堅固。無有退怯。復白王言。願恕彼罪。身當受戮。王言隨意。爾

10

1 2 3 4 5 6 7 8 9

20

1 2 3 4 5 6 7 8 9

E0

1 2 3 4 5 6 7 8 9

時王后白言。大王願聽太子半月行施。恣意修福。然後治罪。王卽聽許。時都城北有一大園。名曰日光。是昔施塲。太子往彼設大施會。飲食衣服華鬘瓔珞。塗香末。香幢旛寶蓋諸莊嚴具。隨有所求靡不周給。經半月已於最後日。國王大臣長者居士城邑人民。及諸外道悉來集會。時法輪音虛空燈王如來知諸衆生調伏時至與大衆俱。天王圍繞龍王供養。夜又王守護乾闥。婆王讚歎阿修羅王曲躬頂禮。迦樓羅王以清淨心散諸寶華。緊那羅王歡喜勸請。摩睺羅伽王一心瞻仰。來入彼會。爾時太子及諸大衆。遙見佛來。端嚴殊特。諸根寂定。如調順象。心無垢濁。如清淨池現大神通。示大自在顯大威德。種種相好莊嚴。其身放大光明。普照世界。一切毛孔出香燄雲。震動十方無量佛刹。隨所至處。普雨一切諸莊嚴具。以佛威儀。以佛功德。衆生見者心淨歡喜。煩惱消滅。爾時太子及諸大衆。五體投地頂禮其足。安施牀座。合掌白言。善來世尊。善來善逝。願哀愍攝受於我。處于此座。以佛神力。淨居諸天。卽變此座爲香摩尼蓮華之中。一切衆生因見如來。苦滅障除。堪受聖法。爾時如

10

1

2

3

4

5

6

7

8

9

20

1

2

3

4

5

6

7

來知其可化。以圓滿音說修多羅名普照因輪。令諸衆生隨類各解。時彼會中有八十那由他衆生遠塵離垢。得淨法眼無量。那由他衆生得無學地。十千衆生住大乘道。入普賢行成滿大願。當爾之時。十方各百佛利微塵數衆生。於大乘中心得調伏無量世界。一切衆生免離惡趣。生於天上善伏太子。卽於此時得菩薩教化衆生令生善根解脫門。

疏三王有太子下。夜神修因於中亦三。初明在家本事。二結會古今。三出家得法。今初有十一。悲救罪人。正答發心之始。榜笞撻擊也。贖謂別足之流。二臣議非理。三請代囚命。四臣執令誅。言寶祚者。祚位也。易云聖人之大寶曰位。五王后哀祈。六王奪子志。七太子確救。八毋請修因。九正設施塲。十經半月下。如來親救於中六。一就戮時臨。二時法輪下。如來降德。三爾時太子下。敬申禮請。四以佛神下。就座談經。言普照因輪者。謂令知善惡。各自有因罪人惡因所招。太子善因當滿故。五時彼會下。廣益當機。六善伏下。太子得法。鈔贖謂別足者。然俗有五刑。劓墨宮割膾。大辟也。善男子。爾時太子豈異人乎。我身是也。我因往昔起

大悲心捨身命財救苦衆生開門大施供養於佛。得此解脫佛子當知我於爾時但爲利益一切衆生不著三界不求果報不貪名稱不欲自讚輕毀於他於諸境界無所貪染無所怖畏但莊嚴大乘出要之道常樂觀察一切智門修行苦行得此解脫佛子於汝意云何彼時五百大臣欲害我者豈異人乎今提婆達多等五百徒黨是也是諸人等蒙佛教化皆當得阿耨多羅三藐三菩提於未來世過須彌山微塵數劫爾時有劫名善光世界名寶光於中成佛其五百佛次第興世最初如來名曰大悲第二名饒益世間第三名大悲師子第四名救護衆生乃至最後名曰醫王雖彼諸佛大悲平等然其國土種族父母受生誕生出家學道往詣道場轉正法輪說修多羅語言音聲光明衆會壽命法住及其名號各各差別佛子彼諸罪人我所救者卽拘留孫等賢劫千佛及百萬阿僧祇諸大菩薩於無量精進力名稱功德慧如來所發阿耨多羅三藐三菩提心今於十方國土行菩薩道修習增長此菩薩教化衆生今生善根解脫者是時勝光王今薩遮尼乾子大論師是時王宮人及諸眷屬卽彼尼乾六萬弟子與師俱來建大論幢共

佛論議悉降伏之。授阿耨多羅三藐三菩提記者是此諸人等皆當作佛。國土莊嚴劫數名號各各有異。疏二善男子爾時太子下結會古今分四初結自身正酬發心之間。二結大臣。三結獄囚。四結王屬。並文處可知。薩遮有也。尼乾不繫也。裸形自餓不繫衣食故。

佛子我於爾時救罪人已。父母聽我捨離國土妻子財寶於法輪音虛空燈王佛所出家學道五百歲中淨修梵行卽得成就百萬陀羅尼百萬神通百萬法藏百萬求一切智勇猛精進淨治百萬堪忍門增長百萬思惟心成就百萬菩薩力入百萬菩薩智門得百萬般若波羅蜜門見十方百萬諸佛生百萬菩薩大願念念中見十方各照百萬佛刹念念中憶念十方世界前後際劫百萬諸佛念念中知十方世界百萬諸佛變化海念念中見十方百萬世界所有衆生種種諸趣隨業所受生時死時善趣惡趣好色惡色其諸衆生種種心行種種欲樂種種根性種種業習種種成就皆悉明了。

疏三佛子我於爾時下明出家得法各言百萬義當彼時已得四地。鈔義當彼時已得四地者初

地百二地千三地萬四地百萬故。

佛子我於爾時命終之後還復於彼王家受生作轉

輪王

彼法輪音虛空燈王如來滅後次即於此值法

空王如來承事供養次爲帝釋即此蓮場值天王歲

如來親近供養次爲夜摩天王即於此世界值大地

威力山如來親近供養次爲兜率天王即於此世界

值法輪光音聲王如來親近供養次爲化樂天王即

於此世界值虛空智王如來親近供養次爲他化自

在天王即於此世界值無能壞幢如來親近供養次

爲阿修羅王即於此世界值一切法雷音王如來親

近供養次爲梵王即於此世界值普現化演法音如來親近供養佛子此寶光世界善光劫中有一萬佛出興于世我皆親近承事供養

疏一佛子我於爾時命終下明轉生值佛修行畧列八佛通結一萬

次復有劫名曰日光有六十億佛出興於世最初如來名妙相山我時爲王名曰大慧於彼佛所承事供養次有佛出名圓滿肩我爲居士親近供養次有佛出名離垢童子我爲大臣親近供養次有佛出名勇猛持我爲阿修羅王親近供養次有佛出名湧彌相

撰述

華嚴疏卷十一

三

我爲樹神親近供養次有佛出名離垢臂我爲商王
親近供養次有佛出名師子遊步我爲城神親近供
養次有佛出名爲寶髻我爲毘沙門天王親近供養
次有佛出名最上法稱我爲乾闥婆王親近供養次
有佛出名光明冠我爲鳩槃茶王親近供養於彼劫
中如是次第有六十億如來出興於世我常於此受
種種身一一佛所親近供養教化成就無量衆生於
一一佛所得種種三昧門種種陀羅尼門種種神通
門種種辨才門種種一切智門種種法明門種種智
慧門照種種十方海入種種佛刹海見種種諸佛海

清淨成就增長廣大

疏第一次復有劫下明日光劫中值佛修行中三
初總標舉次最初下別列十佛後於彼劫下總結
得法

如於此劫中親近供養爾所諸佛於一切處一切世
界海微塵數劫所有諸佛出興千生親近供養聽聞
說法信受護持亦復如是如是一切諸如來所皆悉
修習此解脫門復得無量解脫方便

疏第二如於此劫下總結時處修行得法
爾時救護一切衆生主夜神欲重宣此解脫義卽爲

善財而說頌言。

汝以歡喜信樂心問此難思解脫法我承如來護念力爲汝宣說應聽受。

疏第二偈頌中有二十四頌分四初一頌承方許說。

過去無邊廣大劫過於剎海微塵數時有世界名寶光其中有劫號善光。

於此善光大劫中一萬如來出興世我皆親近而供養從其修學而解脫。

疏次一偈古佛出興。

時有王都名喜嚴縱廣寬平極殊麗雜業衆生所居住或心清淨或作惡爾時有王名勝光恒以正法御羣生。

疏次一偈半先王治化

其王太子名善伏形體端正備衆相。

時有無量諸罪人繫身牢獄當受戮太子見已生悲愍上啓於王請寬宥。

爾時諸臣共白王今此太子危王國如是罪人應受戮如何悉救令除免。

時勝光王語太子汝救彼罪自當受太子哀念情轉

撰述

華嚴經卷十一

三

序

深誓救衆生無退怯。

時王夫人媛女等俱來王所白王言願放太子半月
中布施衆生作功德。時王聞已卽聽許設大施會濟貧乏。一切衆生靡不
臻隨有所求咸給與。

如是半月日云滿太子就戮時將至大衆百千萬億
人同時瞻仰俱號泣。

彼佛知衆根將熟而來此會化羣生顯現神變大莊
嚴靡不親近而恭敬。

佛以一音方便說法燈普照修多羅無量衆生意承
軟悉蒙與授菩提記。

善伏太子生歡喜發興無上正覺心誓願承事於如
來。普爲衆生作依處。

便卽出家依佛住修行一切種智道爾時便得此解
脫。大悲廣濟諸羣生。

於中止住經劫海諦觀諸法眞實性常於苦海救衆
生如是修習菩提道。

劫中所有諸佛現悉皆承事無有餘咸以清淨信解
心聽聞持護所說法。

疏餘頌夜神修因於中四初九偈半頌在家本事。

撰述

華嚴疏金卷十一

次一偈頌出家得法三有一偈頌一萬佛。
次於佛刹微塵數無量無邊諸劫海所有諸佛現世間。一一供養皆如是。

我念往昔爲太子見諸衆生在牢獄誓願捨身而救護因其證此解脫門。

經於佛刹微塵數廣大劫海常修習念念令其得增長復獲無邊巧方便。

彼中所有諸如來我悉得見蒙開悟令我增明此解脱及以種種方便力。

我於無量千億劫學此難思解脫門諸佛法海無有邊我悉一時能普飲。

十方所有一切刹其身普入無所礙三世種種國土名念念了知皆悉盡。

三世所有諸佛海一一明見盡無餘亦能示現其身相普詣於彼如來所。

又於十方一切刹一切諸佛導師前普雨一切莊嚴雲供養一切無上覺。

又以無邊大問海啓請一切諸世尊彼佛所雨妙法雲皆悉受持無忘失。

又於十方無量刹一切如來衆會前坐於衆妙莊嚴

校勘

華嚴疏金卷十一

三

四

解述

卷之二十三

三



座示現種種神通力。

又於十方無量刹。示現種種諸神變。一身示現無量身。無量身中現一身。

又於一一毛孔中。悉放無數大光明。各以種種巧方便。除滅衆生煩惱火。

又於一一毛孔中。出現無量化身雲。充滿十方諸世界。普雨法雨濟羣品。

十方一切諸佛子。入此難思解脫門。悉盡未來無量劫。安住修行菩薩行。

隨其心樂爲說法。令彼皆除邪見網。示以天道及二乘乃至如來一切智。

一切衆生受生處。示現無邊種種身。悉同其類現衆像。普應其心而說法。

若有得此解脫門。則住無邊功德海。譬如刹海微塵數。不可思議無有量。

疏四次於佛刹下。有十七偈。頌總結時處得法於中二初一畧標。次二總會古今。後十二偈重頌末後得法深廣。

善男子。我唯知此教化衆生。令生善根解脫門。如諸菩薩摩訶薩。超諸世間。現諸趣身。不任攀緣。無有障

撰述

礙了達一切諸法。自性善能觀察一切諸法。得無我智證無我法。教化調伏一切衆生。恒無休息。心常安住。無一法門。普入一切諸言辭海。我今云何能知能說彼功德海。彼勇猛智。彼心行處。彼二昧境。彼解脫力。

疏四善男子我唯知下。謙已推勝。

善男子。此閻浮提有一園林。名嵐毘尼。彼園有神。名妙德圓滿汝。詣彼問菩薩云。何修菩薩行。生如來家。爲世光明。盡未來劫。而無厭倦。

疏第五指示後友嵐毘尼林。此云樂勝圓光。昔有

天女下生此處。因以爲名。表九地總持光明無不照。故名妙德圓滿者。善慧無缺故。然此園在迦毘羅城東二十里。是摩耶生佛之處。又從九地當得受職。是故令問生如來家。

待善財童子頂禮其足。繞無量匝。合掌瞻仰。辭退而去。

信官蔡之相信士蔡之楨共助銀四兩四錢二分刻此一卷伏願

先考少峯蔡公先妣董氏仗此勝因。耑嚴淨域。更願之相同。男士英孫福孫壽孫之楨同男未

郎元郎福墉增固智海彌深祥光注照祲氣退
舍者。

大方廣佛華嚴經疏鈔卷七十三終

大方廣佛華嚴經疏鈔卷七十四

于闐國三歲沙門實叉難陀譯

入法界品第三十九之十五

爾時善財童子於大願精進力救護一切衆生夜神
所得菩薩解脫已憶念修習了達增長漸次遊行至
嵐毘尼林周徧尋覓彼妙德神。

疏第九嵐毘尼林神寄善慧地。鈔寄善慧地者。
謂成就微妙四無礙辯能徧十方善說法故。
見在一切寶樹莊嚴樓閣中坐寶蓮華師子之座二

撰述

華嚴疏卷十四

十億那由他諸天恭敬圍繞爲說菩薩受生海經。令其皆得生如來家增長菩薩大功德海善財見已頂禮其足。合掌前立白言大聖我已先發阿耨多羅三藐三菩提心而未能知菩薩云何修菩薩行。生如來家爲世大明。

疏初一可知。

彼神答言。善男子。菩薩有十種受生藏。若菩薩成就此法。則生如來家。念念增長菩薩善根。不疲不懈。不厭不退。無斷無失。離諸迷惑。不生怯劣惱悔之心。趣一切智。入法界門。發廣大心。增長諸度。成就諸佛無

上菩提。捨世間趣。入如來地。獲勝神通。諸佛之法常現在前。順一切智真實義境。

疏第三。彼神答下。授已法界於中四。一顯法義。二立法名。三明業用。四辨根本。初中二。先長行後偈頌。前中四。一標數歎勝。二徵數列名。三依名釋義。四結歎勝益。初中生如來家。卽正酬其問。

何等爲十一者。願常供養一切諸佛受生藏。二者發菩提心受生藏。三者觀諸法門勤修行受生藏。四者以深淨心普照三世受生藏。五者平等光明受生藏。六者生如來家受生藏。七者佛力光明受生藏。八者

觀普智門受生藏。九者普現莊嚴受生藏。十者入如來地受生藏。

疏第二何等爲十下。徵數列名。此通於六位。一當十信。一卽十住。三通行向。四是初地。五從一至七。以是功用邊故。六七皆八地。然六卽自分。七卽勝進。得勸之後。八卽九地。九當十地。十卽等覺。入如來地。然依行布豎配定然。若約圓融。初後通用。故云成就此法。則生如來家。若定須具十方得生家。何以文中第二第六皆有生家。第十復言於三世佛所。已授灌頂。故知須豎約證分異。若定豎者。則

違具十則生之言。是知順橫約圓融修觀。鈔此之十法。通於六位。下疏文有五一約位豎配。亦名行布釋。然依行布下二結前生后。生後圓融。若約圓融下三通諸位釋。亦名圓融釋。若定具十下。四結成上。暨若定豎下五結成須橫實。則橫豎無礙。是此中意。故存二釋文義昭然。

善男子云。何名願常供養一切佛受生藏。善男子。菩薩初發心時。作如是願。我當尊重恭敬供養一切諸佛。見佛無厭於諸佛所。常生慶樂。常起深信修諸功德。恒無休息。是爲菩薩爲一切智始集善根受生藏。

撰述

華嚴疏錄卷之四

三

疏第三善男子云何名下依名釋義一中卽信發心故賢首品云常欲利樂諸羣生莊嚴國土供養佛故故文云始集善根

云何名發菩提心受生藏善男子此菩薩發阿耨多

羅三藐三菩提心所謂起大悲心救護一切衆生故起供養佛心究竟承事故起普求正法心一切無慳

故起廣大趣向心求一切智故起慈無量心普攝衆生故起不捨一切衆生心被求一切智堅誓甲故起

無諳詛心得如實智故起如說行心修菩薩道故起不詛諸佛心守護一切佛大誓願故起一切智願心

盡未來化衆生不休息故菩薩以如是等佛刹微塵數菩提心功德故得生如來家是爲菩薩第一受生藏

藏

疏一中初住發心文具三心生如來家亦初住生家鈔亦初住生家者恐人誤爲初地生家然其生家畧有六位一初住生菩提心家二第四住生聖教家三初地生真如家四四地約寄位生出世家五八地生無生法忍家六如來地究竟生家今是初住第一是生菩提心家

云何名觀諸法門勤修行受生藏善男子此菩薩摩

訶薩起觀一切法門海心起迴向一切智圓滿道心
起正念無過失業心起一切菩薩三昧海清淨心起
修成一切菩薩功德心起莊嚴一切菩薩道心起求
一切智大精進行修諸功德如劫火熾然無休息心
起修普賢行教化一切衆生心起善學一切威儀修
菩薩功德捨離一切所有住無所有真實心是爲菩
薩第二受生藏。

疏二中十句一觀法門海標十行一向一切智標
迴向以行願相資故合爲一餘八通行向。

云何名以深淨心普照三世受生藏善男子此菩薩

具清淨增上心得如來菩提光入菩薩方便海其心
堅固猶若金剛背捨一切諸有趣生成就一切佛自
在力修殊勝行具菩薩根其心明潔願力不動常爲
諸佛之所護念破壞一切諸障礙山普爲衆生作所
依處是爲菩薩第四受生藏。

疏四中契理斷障名深淨心卽淨心地已證理故
堅如金剛已得離生道故捨諸有趣已破二障礙
山故爲物依處。鈔四藏卽淨心地等者疏隨難
釋今更委釋言得如來菩提光者明心菩提故入
菩薩方便海者證真了俗故捨諸有趣亦由已漸

撰述

玉闕疏釈卷十一

五

斷異生性故。成就自在者分身百利故修菩薩殊勝行者淨治地法十行常修故具菩薩根者由證信故餘皆成根又大悲爲首故悲爲根以斷所知故心明潔十願成熟故願不動同佛證如故得佛護分別頓盡名壞諸障具上諸德爲佛依處

云何名平等光明受生藏善男子此菩薩具足衆行普化衆生一切所有悉皆能捨住佛究竟淨戒境界具足忍法成就諸佛法忍光明以大精進趣一切智到於彼岸修習諸禪得普門定淨智圓滿以智慧日明照諸法得無礙眼見諸佛海悟入一切真實法性

一切世間見者歡喜善能修習如實法門是爲菩薩第五受生藏

疏五中證如起行爲平等光明戒忍進等爲次五地得無礙下卽是七地七地得無生忍光明故入一切真實法鈔五藏戒忍進等者等取禪慧文各一增故末後二句上句三業善巧見者必欣下句功用行滿又以無功得諸行故

云何名生如來家受生藏善男子此菩薩生如來家隨諸佛住成就一切甚深法門具三世佛清淨大願得一切佛同一善根與諸如來共一體性具出世行

白淨善法安住廣大功德法門。入諸三昧。見佛神力。隨所應化淨諸衆生。如問而對。辯才無盡。是爲菩薩第六受生藏。

疏六中以得無生忍契同法性爲生佛家願度增上善根一體。惑等不動爲白淨法。鈔六生如來下初至爲生佛家此有兩句。一正釋標。二卽解釋初之二句。得無生忍是釋生家契同法性。卽釋隨諸佛住佛住甚深真法性故。上卽淨忍分。成就一切甚深法門。下皆得勝行分。此句爲總故。疏不釋已下皆甚深法門故。其願度增上釋具三世已下。

經文善根一體。釋得一切佛下經文。謂同無功用之善根故。同契無生法忍體故。從惑等下。釋具出世白淨善法上。皆前經不可知義。從安住已下。卽是前經正行廣大。入諸三昧下。卽離障寂滅後三句。卽三輪化益並易故不釋。

云何名佛力光明受生藏。善男子。此菩薩深入佛力遊諸佛刹心無退轉。供養承事菩薩衆會。無有疲厭。了一切法。皆如幻起。知諸世間如夢。所見一切色相。猶如光影。神通所作。皆如變化。一切受生悉皆如影。諸佛說法。皆如谷響。開示法界。咸令究竟。是爲菩薩

第七受生藏。

疏七中因佛勸起能頓修行。名佛力光明無功用修。故無疲厭等。鈔七佛力下經疏具易若欲釋者。由佛七勸名入佛力此爲總句。遊利下別二句。起行速疾從了一切下淨土分中事於三世間得自在故。初一器界自在次二正覺後三衆生說法度生故。

云何名觀普智門受生藏。善男子此菩薩住童真位觀一切智一一智門盡無量劫開演一切菩薩所行於諸菩薩甚深三昧心得自在念念生於十方世界識心所起是爲菩薩第八受生藏。

疏八中從第八地入第九地故云住童真位觀一切智智門卽法師之德故於三性等皆如實知。卽事知理之如實故於有差別境又無差別定卽理窮事之如實故於無差別法現有差別智餘可準思。鈔八觀普智門言卽法師之德者亦法師方便成就言於三性等者三性卽是化法爲智成就。

等字等取入行成就智。十一稠林經一一門下。卽口業成就。具四十無礙故能長演。餘皆法師自在成就。一三昧自在隨心頓演故。二受生自在。三於有差下。於法自在事理交徹故。卽事知理者釋此初對了。卽事入理。卽理如事。亦前句事能顯理。後句依理成事。又前不壞假名。而說實相。後不動真際。建立諸法。又前動不離寂。後則靜無遺照。於無量下。有無自在。於少境下。廣狹自在。通達下真俗齊照。以文顯故。云可思準。

云何名普現莊嚴受生藏。善男子。此菩薩能種種莊

嚴無量佛刹。普能化現一切衆生。及諸佛身。得無所畏。演清淨法周流法界。無所障礙。隨其心樂。普使知見示現。種種成菩提行。令生無礙一切智道。如是所作不失其時。而常在三昧鬼盧遮那智慧之藏。是爲菩薩第九受生藏。

疏九中以佛莊嚴而莊嚴故。名普莊嚴已得離垢等諸三昧。故雖復常用而常在三昧。鈔九普現莊嚴先釋名後已得下總釋大意。若別說者。初句嚴依餘皆嚴正正中並秘密智。初二句身秘密演清淨下口秘密隨其心下皆意秘密。

云何名入如來地受生藏善男子。此菩薩悉於三世諸如來所受灌頂法普知一切境界次第。所謂知一切衆生前際後際歿生次第一。一切菩薩修行次第一切衆生心念次第三。世如來成佛次第。善巧方便說法次第亦知。一切初中後際所有諸劫若成若壞。名號次第隨諸衆生所應化度爲現成道功德莊嚴神通說法方便調伏是爲菩薩第十受生藏。

疏十中約其自分爲此菩薩約其勝進名入佛地已受職位云受灌頂智齊佛境云知一切如十定品辨鈔十入如來地下文顯然皆與本位義理

相符不爲此釋實抑經文

佛子。若菩薩摩訶薩於此十法修習增長圓滿成就則能於一莊嚴中現種種莊嚴。如是莊嚴一切國土開導示悟一切衆生盡未來劫無有休息演說一切諸佛法海種種境界種種成熟。展轉傳來無量諸法現不思議佛自在力充滿一切虛空法界於諸衆生心行海中而轉法輪於一切世界示現成佛恒無間斷以不可說清淨言音說一切法住無量處通達無礙以一切法莊嚴道場隨諸衆生欲解差別而現成佛開示無量甚深法藏教化成就一切世間。

疏第四佛子若菩薩下結歎勝益可知。爾時嵐毘尼林神欲重明其義以佛神力普觀十方而說頌言。

最上離垢清淨心見一切佛無厭足願盡未來常供養此明慧者受生藏。

一切二世國土中所有衆生及諸佛悉願度脫恒瞻奉此難思者受生藏。

聞法無厭樂觀察普於三世無所礙身心清淨如虛空此名稱者受生藏。

其心恒住大悲海堅如金剛及寶山了達一切種智門此最勝者受生藏。

大慈普覆於一切妙行常增諸度海以法光明照羣品此雄猛者受生藏。

了達法性心無礙生於三世諸佛家普入十方法界海此明智者受生藏。

法身清淨心無礙普詣十方諸國土一切佛力靡不成此不思議受生藏。

入深智慧已自在於諸三昧亦究竟觀一切智如實門此真身者受生藏。

淨治一切諸佛土勤修普化衆生法顯現如來自在

力此大名者受生藏。

久已修行薩婆若。疾能趣入如來位。了知法界皆無礙。此諸佛子受生藏。

疏一重頌中十偈。如次頌前十法。

善男子。菩薩具此十法。生如來家爲一切世間清淨光明。善男子。我從無量劫來。得是自在受生解脫門。

疏第二善男子。菩薩具此下立法名中先牒前所明後我從無量下。指前立目。機感便現。無所擁礙。各自在受生通能所見。

善財白言。聖者。此解脫門境界云何。答言。善男子。我

先發願。願一切菩薩示受生時。皆得親近。願入毘盧遮那如來無量受生海。以昔願力。生此世界闍浮提中。嵐毘尼園。專念菩薩。何時下生。

疏第三善財白言下。明法門業用於中先問後答。

答中知見此境。卽是業用。於中二先明依願受生。經於百年。世尊果從兜率陀天而來。生此時此林中。現十種相。何等爲十一者。此園中地忽自平坦。坑坎。堆阜悉皆不現。二者金剛爲地。衆寶莊嚴。無有瓦礫。荆棘株杌。三者寶多羅樹。周匝行列其根深植。至於水際。四者生衆香芽。現衆香藏。寶香爲樹。扶疎蔭映。

其諸香氣皆踰天香。五者諸妙華鬘寶莊嚴具行列。分布處處充滿。六者園中所有一切諸樹皆自然開。摩尼寶華七者諸池沼中皆自生華。從地涌出周布水上八者時此林中娑婆世界欲色所住天龍夜叉乾闥婆阿修羅迦樓羅緊那羅摩睺羅伽一切諸王莫不來集合掌而住九者此世界中所有天女乃至摩睺羅伽女皆生歡喜各各奉持諸供養具向畢洛又樹前恭敬而立十者十方一切諸佛齊中皆放光明名菩薩受生自在燈普照此林一一光中悉現諸佛受生誕生所有神變及一切菩薩受生功德又出相。

善男子摩耶夫人出迦毘羅城入此林時復現十種光明瑞相令諸衆生得法光明何等爲十所謂一切寶華藏光寶香藏光寶蓮華開演出真實妙音聲光十方菩薩初發心光一切菩薩得入諸地現神變光一切菩薩修波羅蜜圓滿智光一切菩薩大願智光一切菩薩教化衆生方便智光一切菩薩證於法界

眞實智光。一切菩薩得佛自在受生出家成正覺光。此十光明普照無量諸衆生心。

疏二善男子摩耶下見出城現光。

善男子。摩耶夫人於畢洛叉樹下坐時。復現菩薩將欲誕生十種神變。何等爲十。

疏三摩耶夫人於畢洛叉下。覩將生神變。於中二先標徵。畢洛叉者。此云高顯。

善男子。菩薩將欲誕生之時。欲界諸天。天子天女。及以色列天。一切諸天。諸龍。夜叉。乾闥婆。阿修羅。迦樓羅。緊那羅。摩睺羅伽。并其眷屬。爲供養故。悉皆雲集。摩耶夫人威德殊勝。身諸毛孔。咸放光明。普照三千大千世界。無所障礙。一切光明。悉皆不現。除滅一切衆生煩惱。及惡道苦。是爲菩薩將欲誕生第一神變。又善男子。當爾之時。摩耶夫人腹中。悉現三千世界一切形像。其百億闍浮提內。各有都邑。各有園林。名號不同。皆有摩耶夫人於中止住。天衆圍繞。悉爲顯現。菩薩將生不可思議神變之相。是爲菩薩將欲誕生第二神變。又善男子。摩耶夫人一切毛孔。皆現如來往昔修行菩薩道時恭敬供養。一切諸佛。及聞諸佛說法音聲。譬如明鏡。及以水中。能現虛空日月星宿雲。

雷等像。摩耶夫人身諸毛孔亦復如是能現如來。往昔因緣是爲菩薩將欲誕生第三神變。又善男子。摩耶夫人身諸毛孔。一一皆現如來往修菩薩行時所住世界城邑聚落。山林河海衆生劫數值佛出世。入淨國土隨所受生壽命長短依善知識修行善法於一切刹。在在生處。摩耶夫人常爲其母。如是一切於毛孔中靡不皆現。是爲菩薩將欲誕生第四神變。又善男子。摩耶夫人一一毛孔顯現如來往昔修行菩薩行時隨所生處色相形貌衣服飲食苦樂等事。一一普現分明辨了。是爲菩薩將欲誕生第五神變。又

善男子。摩耶夫人身諸毛孔。一一皆現世尊往昔修行時捨所難捨頭目耳鼻唇舌牙齒身體手足血肉筋骨男女妻妾城邑宮殿衣服瓔珞金銀寶貨。如是一切內外諸物亦見受者形貌音聲。及其處所。是爲菩薩將欲誕生第六神變。又善男子。摩耶夫人入此園時。其林普現過去所有一切諸佛。入母胎時。國土園林衣服華鬘塗香末香幡繒幢蓋一切衆寶莊嚴之事。妙樂歌詠上妙音聲令諸衆生普得見聞。是爲菩薩將誕生時第七神變。又善男子。摩耶夫人入此園時。從其身出菩薩所住摩尼寶王宮殿樓閣超

過一切天龍夜叉乾闥婆阿修羅迦樓羅緊那羅摩
曇羅伽及諸人王之所住者寶網覆上妙香普熏衆
寶莊嚴內外清淨各各差別不相雜亂周市徧滿風
毘尼園是爲菩薩將誕生時第八神變又善男子摩
耶夫人入此園時從其身出十不可說百千億那由
他佛刹微塵數菩薩其諸菩薩身形容貌相好光明
進止威儀神通眷屬皆與毘盧遮那菩薩等無有異
悉共同時讚歎如來是爲菩薩將誕生時第九神變
又善男子摩耶夫人將欲誕生菩薩之時忽於其前
從金剛際出大蓮華名爲一切寶莊嚴藏金剛爲莖

衆寶爲鬚如意寶王以爲其臺有十佛刹微塵數葉
一切皆以摩尼所成寶網寶蓋以覆其上一切天王
所共執持一切龍王降注香雨一切夜叉王恭敬圍
繞散諸天華一切乾闥婆王出微妙音歌讚菩薩往
昔供養諸佛功德一切阿修羅王捨憍慢心稽首敬
禮一切迦樓羅王垂寶繒幡徧滿虛空一切緊那羅
王歡喜瞻仰歌詠讚歎菩薩功德一切摩曇羅伽王
皆生歡喜歌詠讚歎普兩一切寶莊嚴雲是爲菩薩
將誕生時第十神變

疏後別顯十變一集衆息苦二卷舒無礙三毛現

撰述

華嚴疏錄卷十四

佛因四現佛本事。五現行所依身。六徧現捨行。七現古佛受生園林。八現今佛所處宮殿。九出菩薩同類十地現蓮華將承至聖。

善男子。嵐毘尼園示現如是十種相已。然後菩薩其身誕生。如虛空中現淨日輪。如高山頂出於慶雲。如密雲中而耀電光。如夜暗中而然大炬。爾時菩薩從母脇生。身相光明。亦復如是。善男子。菩薩爾時雖現初生悉已了達一切諸法。如夢如幻。如影如像。無來無去。不生不滅。善男子。當我見佛於此四天下。閻浮提內。嵐毘尼園示現初生種種神變時。亦見如來於三千大千世界。百億四天下。閻浮提內。嵐毘尼園中。示現初生種種神變。亦見三千大千世界。一一塵中。無量佛刹。亦見百佛世界。千佛世界。乃至十方一切世界。一一塵中。無量佛刹。如是一切諸佛刹中。皆有如來示現受生種種神變。如是念念常無間斷。

疏四善男子。嵐毘尼下。正覩誕生於中三。初覩外相。有四種相。釋通事理。約事謂一。廻耀挺特故。二。高顯邕容故。三。威光赫奕故。四。分明可覩故。約理則一。依性空無住現故。二。依涅槃山無心出故。三。大慈雲中現無住之化身故。四爲破衆生生死無

明之大闍故。二菩薩爾時下了其內德。三當我見佛下結其周徧。則橫豎無窮。

時善財童子白彼神言。大天得此解脫。其已久如。答言。善男子乃往古世過億佛刹微塵數劫復過是數時有世界名爲普寶劫。名悅樂八十那由他佛於中出現其第一佛。名自在功德幢。十號具足。彼世界中有四天下。名妙光莊嚴。其四天下闍浮提中有一王都。名須彌莊嚴幢。其中有王。名寶燄眼。其王夫人。名曰喜光善男子。如此世界摩耶夫人爲毘盧遮那如來之母。彼世界中喜光夫人爲初佛母。亦復如是。善男子。其喜光夫人將欲誕生菩薩之時。與二十億那由他妓女詣金華園。園中有樓。名妙寶峯。其邊有樹。名一切施喜光夫人攀彼樹枝而生。菩薩諸天王衆各持香水。共以洗沐。時有乳母。名爲淨光。侍立其側。旣洗沐已。諸天王衆授與乳母。乳母敬受。生大歡喜。卽得菩薩普眼三昧。得此三昧已。普見十方無量諸佛。復得菩薩於一切處示現受生。自在解脫。如初受胎識。速疾無礙。得此解脫故。見一切佛乘本願力。受生自在。亦復如是。善男子。於汝意云何。彼乳母者。豈異人乎。我身是也。我從是來。念念常見毘盧遮那佛。

示現菩薩受生。海調伏衆生自在神力。如見毘盧遮那佛乘本願力。念念於此三千大千乃至十方一切世界微塵之內。皆現菩薩受生神變。見一切佛悉亦如是我皆恭敬承事供養。聽所說法。如說修行。

疏第四時善財童子白彼神下。顯法根深。先問後答。答中先長行中六一古世佛興。二其四天下顯昔父母三其喜光下。攀樹誕生。四時有下。觀佛得法。五善男子下。結會古今。不結父母者。意明卽淨飯摩耶。佛卽今佛故。六我從是下。顯用周徧。

時嵐毘尼林神欲重宣此解脫義。承佛神力普觀十方而說頌言。

佛子汝所問。諸佛甚深境。汝今應聽受。我說其因緣。過億刹塵劫。有劫名悅樂。八十那由他。如來出興世。最初如來號。自在功德幢。我在金華園。見彼初生日。我時爲乳母。智慧極聰利。諸天授與我菩薩金色身。我時疾捧持。諦觀不見頂。身相皆圓滿。一一無邊際。離垢淨清身。相好以莊嚴譬如妙寶像。見已自欣慶。思惟彼功德。疾增衆福海。見此神通事。發大菩提心。專求佛功德。增廣諸大願。嚴淨一切剎。滅除三惡道。普於十方土。供養無數佛。修行本誓願。救脫衆生苦。

撰述

華嚴疏錄卷之十四

我於彼佛所聞法得解脫億利微塵數無量劫修行
 劫中所有佛我悉曾供養護持其正法淨此解脫海
 億利微塵數過去十力尊盡持其法輪增明此解脫
 我於一念頃見此刹塵中一一有如來所淨諸刹海
 利內悉有佛園中示誕生各現不思議廣大神通力
 或見不思議億利諸菩薩住於天宮上將證佛菩提
 無量刹海中諸佛現受生說法衆圍繞於此我皆見
 一念見億利微塵數菩薩出家趣道場示現佛境界
 我見刹塵內無量佛成道各現諸方便度脫苦衆生
 一切微塵中諸佛轉法輪悉以無盡音普雨甘露法
 億劫微塵數一一刹塵內悉見於如來示現般涅槃
 如是無量刹如來示誕生而我悉分身現前興供養
 不思議刹海無量趣差別我悉現其前雨於大法雨
 佛子我知此難思解脫門無量億劫中稱揚不可盡
 疏後偈頌中二十三頌分四初一誠聽許說次九
 最初修證次十二偈歷事增修末偈結歎無盡
 善男子我唯知此苦薩於無量劫徧一切處示現受
 生自在解脫如諸苦薩摩訶薩能以一念爲諸劫藏
 觀一切法以善方便而現受生周徧供養一切諸佛
 究竟通達一切佛法於一切趣皆現受生一切佛前

10

1

2

3

4

5

6

7

8

9

10

坐蓮華座知諸衆生應可度時爲現受生方便調伏於一切刹現諸神變猶如影像悉現其前我當云何能知能說彼功德行。

善男子此迦毘羅城有釋種女名曰瞿波汝詣彼問菩薩云何於生死中教化衆生。

疏第五示後友中言瞿波者此云守護大地在家爲父母守護太子儲備守護國地既爲其妃依王得名表十地既圓故無地不護然太子有三夫人一名瞿波次名耶輸陀羅三名摩奴舍今因位之極故取其第一法喜已滿故寄之昔妃此位親能

得佛故在生佛之城矣。

時善財童子頂禮其足繞無數帀殷勤瞻仰辭退而去。

羽南居士徐登庸助資八錢願夫婦齊享遐齡男昌祚助資四錢願功名克致通顯鴻祚助資四錢願桂子蚤得誕生鶴祚助資四錢願功名所向遂意暨沈元德助資一兩四錢七分二釐圓滿此卷總願同發淨信之心均獲吉祥之福更願從此植因究悟法界

大方廣佛華嚴經疏鈔卷七十四 終

10

1

2

3

4

5

6

7

8

9

20

1

2

3

4

5

6

7

8

9

30

1

2

3

4

5

6

7

8

9

大方廣佛華嚴經疏鈔卷七十五

千闡國三藏沙門實叉難陀譯

清涼山大華嚴寺沙門澄觀撰述
入法界品第三十九之十六

爾時善財童子向迦毘羅城思惟修習受生解脫增
長廣大憶念不捨。

疏第十釋女瞿波寄法雲地。鈔寄法雲地者。謂
大法智雲含衆德水。蔽如空籠重充滿法身故。
疏第一依教趣求中一初依前修證。

漸次遊行至菩薩集會普現法界光明講堂。

1012

3456789

20

123456789

10

疏後漸次下。趣求後友於中四。一趣求詣處。二其中
中有神下。伴友迎讚。三善財童子言下。善財迎述。
四余時善財下。神敬增深。

其中有神號無憂德與一萬主宮殿神俱來迎善財。
作如是言。善來丈夫有大智慧有大勇猛能修菩薩
不可思議自在解脫心恒不捨廣大誓願善能觀察
諸法境界安住法城入於無量諸方便門成就如來
功德大海得妙辯才善調衆生獲聖智身恒順修行
知諸衆生心行差別令其歡喜趣向佛道我觀仁者
修諸妙行心無暫懈威儀所行悉皆清淨汝當不久
得諸如來清淨莊嚴無上三業以諸相好莊嚴其身
以十力智瑩飾其心遊諸世間我觀仁者勇猛精進
而無有比不久當得普見三世一切諸佛聽受其法
不久當得一切菩薩禪定解脫諸三昧樂不久當入
諸佛如來甚深解脫何以故見善知識親近供養聽
受其教憶念修行不懈不退無憂無悔無有障礙魔
及魔民不能爲難不久當成無上果故

疏二中四一讚行究竟二我觀仁者修諸下讚精
進得果三我觀仁者勇猛下讚精進得法四何以
下以理釋成

10

1

2

3

4

5

6

7

8

9

20

1

2

3

4

5

6

7

8

9

善財童子言。聖者。如向所說。願我皆得。

疏。三善財印述中二初印受所說。

聖者。我願一切衆生息諸熱惱離諸惡業。生諸安樂修諸淨行。聖者。一切衆生起諸煩惱造諸惡業。墮諸惡趣。若身若心。恒受楚毒。菩薩見已。心生憂惱。聖者。譬如有人。唯有一子。愛念情至。忽見被人割截支體。其心痛切。不能自安。菩薩摩訶薩亦復如是。見諸眾生以煩惱業墮三惡趣。受種種苦。心大憂惱。若見衆生起身語意三種善業。生天人趣受身心樂。菩薩爾時生大歡喜。何以故。菩薩不自爲故求一切智。不貪中無有疲厭。

疏後聖者我願下述自所作。於中二光明四等攝生。後明萬德益物。前中有四。謂法喻合釋。法有

撰述

華嚴疏卷七十五

三

慈悲。合中兼喜。釋中不貪。兼明有捨。於中先徵後釋。釋中先總明。後不貪生死下別顯。於中先明不自爲。後但見衆生下明其所爲。

聖者菩薩摩訶薩。於諸衆生爲莊嚴。令生人天富貴樂。故爲父母。爲其安立菩提心。故爲養育。令其成就菩薩道。故爲衛護。令其遠離三惡道。故爲船師。令其得度生死海。故爲歸依。令捨諸魔煩惱怖。故爲究竟。令其永得清涼樂。故爲津濟。令入一切諸佛海。故爲導師。令至一切法寶洲。故爲妙華。開敷諸佛功德心。故爲嚴具。常放福德智慧光。故爲可樂。凡有所作。悉下結成益物。

爾時善財童子。將升法堂。其無憂德。及諸神衆。以過諸天上妙華鬘。金香末香。及以種種寶莊嚴具。散善財上。而說頌言。

疏二聖者菩薩摩訶薩下。明萬德益物。於中一初有十六句。別約喻顯。爲物歸趣。後聖者菩薩如是

汝今出世間爲世大明燈。普爲諸衆生勤求無上覺。無量億千劫難可得見汝功德日今出滅除諸世間汝見諸衆生顛倒惑所覆而興大悲意求證無師道汝以清淨心尋求佛菩提承事善知識不自惜身命汝於諸世間無依無所著其心普無礙清淨如虛空汝修菩提行功德悉圓滿放大智慧光普照一切世汝不離世間亦不著於世行世無障礙如風遊虛空譬如火災起一切無能滅汝修菩提行精進火亦然勇猛大精進堅固不可動金剛慧師子遊行無所畏一切法界中所有諸刹海汝悉能往詣親近善知識

爾時無憂德神說此頌已爲愛樂法故隨逐善財恒不捨離。

疏四神敬增深者以聞上法故文中三初長行中供次以偈讚德十偈分二初三歎下益衆生行後七歎上求無礙行後爾時下以身隨逐愛重情深故。

爾時善財童子入普現法界光明講堂周徧推求彼釋氏女見在堂內坐寶蓮華師子之座八萬四千姝女所共圍繞是諸姝女靡不皆從王種中生悉於過去修菩薩行同種善根布施愛語普攝衆生已能明

10 1 2 3 4 5 6 7 8 9

20 1 2 3 4 5 6 7 8 9

80 1 2 3 4 5 6 7 8 9

見一切智境。已共修集佛菩提行。恒住正定。常遊大悲。普攝衆生。猶如一子慈心。具足眷屬清淨。已於過去成就菩薩不可思議善巧方便。皆於阿耨多羅三藐三菩提得不退轉。具足菩薩諸波羅密。離諸取著。不樂生死。雖行諸有。心常清淨。恒勤觀察。一切智道。離障蓋網。超諸著處。從於法身而示化形。生普賢行。長菩提力。智日慧燈。悉已圓滿。

疏第二爾時善財童子下見敬詣問先見次敬後問前中一先入堂推求已見依報此文亦可屬前一見在堂內下見其正報初見主後八萬下見

伴廣歎伴從勝德王德固已絕言

爾時善財童子詣彼釋女瞿波之所頂禮其足合掌而住作如是言聖者我已先發阿耨多羅三藐三菩提心而未知菩薩云何於生死中而不爲生死過患所染了法自性而不住聲聞辟支佛地具足佛法而修菩薩行住菩薩地而入佛境界超過世間而於世受生成就法身而示現無邊種種色身證無相法而爲衆生示現諸相知法無說而廣爲衆生演說諸法知衆生空而恒不捨化衆生事雖知諸佛不生不滅而勤供養無有退轉雖知諸法無業無報而修諸善

撰述

華嚴疏鈔卷九十五

六

行恒不止息。

疏二爾時善財下說敬三作如是言下諮問於中先自陳發心後而未知下正問有十一句問悲智逆順權實寂用無礙雙行之行前十句攝爲五對一過凡越小對一離果超因對二現生示色對四極相窮說對五下化上供對十一總顯諸善真俗雙行鈔悲智等者此中疏有四種無礙亦名四種雙行其十句中句句皆是雙行約雙行事有十差別其中雙行但有四別如第一句云何於生死中而不爲生死過患所染者卽悲智無礙謂於生死中卽有大悲故不爲生死過患所染卽具大智故二了法自性而不住聲聞辟支地卽寂用雙行二卽實而權雙行四卽權而實雙行五卽逆順雙行六卽寂用雙行七八皆卽實而權九十皆權實雙行九約化生十約供佛十一真俗雙行各有別相

時瞿波女告善財言善哉善哉善男子汝今能問菩薩摩訶薩如是行法修習普賢諸行願者能如是問諦聽諦聽善思念之我當承佛神力爲汝宣說善男子若諸菩薩成就十法則能圓滿因陀羅網普智光

明菩薩之行。何等爲十。所謂依善知識故得廣大勝解。故得清淨欲樂故集一切福智故於諸佛所聽聞法故心恒不捨三世佛故同於一切菩薩行故。一切如來所護念故。大悲妙願皆清淨故能以智力普斷一切諸生死故。是爲十。若諸菩薩成就此法則能圓滿因陀羅網普智光明菩薩之行。佛子若菩薩親近善知識則能精進不退修習出生無盡佛法。佛子菩薩以十種法承事善知識何等爲十。所謂於自身命無所顧惜於世樂具心不貪求知一切法性皆平等。永不退捨一切智願觀察一切法界實相心恒捨離。

一切有海知法如空心無所依成就一切菩薩大願常能示現一切刹海淨修菩薩無礙智輪。佛子應以此法承事一切諸善知識無所違逆。

疏第三時瞿波女下示已法界於中四一法義。二法名。三法用。四法根。前中先長行後偈頌。前中亦二先讚誠許說後善男子下正顯法義於中二。先明帝網智光行謂依此十則照重重無盡法故有標釋結可知後佛子若菩薩下承事善友行前明依法此辨依人法假人弘故由得此出無盡法亦是廣前初一亦有標釋結。

爾時釋迦瞿波女欲重明此義。承佛神力。觀察十方而說頌言。

菩薩爲利諸羣生。正念親承善知識。敬之如佛心。無
怠此行於世帝網行。
勝解廣大如虛空。一切三世悉入中。國土衆生佛皆
爾此是普智光明行。

志樂如空無有際。永斷煩惱離諸垢。一切佛所修功德。此行於世身雲行。

菩薩修習一切智不可思議功德海淨諸福德智慧身此行於世不染行

一切諸佛如來所聽受其法無厭足能生實相智慧燈此行於世普照行

能入諸佛大衆會。一切菩薩三昧海。願海及以方便海。此行於世帝網行。
一切諸佛所加持。盡未來際無邊劫處處修行普賢道。此是菩薩分身行。
見諸衆生受大苦。起大慈悲現世間。演法光明除暗冥。此是菩薩智日行。

撰述

華嚴疏鈔卷十一

十一

下

見諸衆生在諸趣爲集無邊妙法輪。令其永斷生死流。此是修行普賢行。

菩薩修行此方便。隨衆生心而現身。普於一切諸趣中。化度無量諸含識。以大慈悲方便力。普徧世間而現身。隨其解欲爲說法。皆令趣向菩提道。

疏後頌中有十二偈。分二。前十偈如次頌。前十帝網行。然前長行但名帝網光明行。則十法通稱。今偈中初二取前總名。後之八行各別立稱。則知十一名。一一通其十行。重重無礙。方受帝網之名。又須

得斯偈意。方了前名。後二偈頌前事友十法。後二以後三相隱故。餘畧不頌。鈔然前長行但名帝網等者。此卽顯帝網之義也。

時釋迦瞿波說此頌已。告善財童子言。善男子。我已成就觀察一切菩薩三昧海解脫門。

疏第二時釋迦下立法名。謂一切菩薩普賢三昧。深廣如海。如法界故。深如衆生名故。廣以殊妙智。念念觀察。故立此名。

善財言。大聖此解脫門。境界云何。答言。善男子。我入此解脫。知此娑婆世界佛刹微塵數劫所有衆生於

撰述

華嚴疏錄卷十一

五

十一

諸趣中死此生彼。作善作惡。受諸果報。有求出離。不出求出離。正定邪定。及以不定。有煩惱善根。無煩惱善根。具足善根。不具足善根。不善根所攝善根。善根所攝不善根。如是所集善不善法。我皆知見。又彼劫中所有諸佛名號次第。我悉了知。彼佛世尊從初發心。及以方便求一切智。出生一切諸大願海。供養諸佛。修菩薩行。成等正覺。轉妙法輪。現大神通化度衆生。我悉了知。亦知彼佛衆會差別。其衆會中。有諸衆生依聲聞乘而得出離。其聲聞衆過去修習一切善根。及其所得種種智慧。我悉了知。有諸衆生依獨覺乘

而得出離。其諸獨覺所有善根所得。菩提寂滅解脫。神通變化成熟衆生入於涅槃。我悉了知。亦知彼佛諸菩薩衆。其諸菩薩從初發心修習善根。出生無量諸大願行。成就滿足諸波羅蜜。種種莊嚴菩薩之道。以自在力。入菩薩地。住菩薩地。觀菩薩地。淨菩薩地。菩薩地相。菩薩地智。菩薩攝智。菩薩教化衆生智。菩薩建立智。菩薩廣大行境界。菩薩神通行。菩薩三昧海。菩薩方便。菩薩於念念中所入三昧海。所得一切智光明。所獲一切智電光雲。所得實相忍所通達一切智。所住利海。所入法海。所知衆生海。所住方便所

撰述

華嚴疏鈔卷第十五

十一

序

發誓願所現神通。我悉了知。善男子。此娑婆世界盡未來際所有劫海。展轉不斷。我皆了知。

疏第三。善財言大聖下。明法門業用中。先問後答。答中二。先顯廣知。後釋知所以。前中三。初知娑婆世界。次類知利海。後別顯毘盧因果。前中二。先知利塵劫事。後善男子此娑婆下。類盡未來。前中亦二。知世間善惡因果。不善根所攝善根者。如瞋心持戒等。下句類知。二。又彼劫下。知出世因果。於中亦二。先知佛因果。後亦知彼佛衆下。知佛衆會。於中又有三。初知聲聞。二知緣覺。三知菩薩。及後

類盡未來文並可知。

如知娑婆世界。亦知娑婆世界內微塵數世界。亦知娑婆世界內一切世界。亦知娑婆世界微塵內所有世界。亦知娑婆世界外十方無間所在世界。亦知娑婆世界世界種所攝世界。亦知毘盧遮那世尊此華藏世界海中十方無量諸世界種所攝世界。所謂世界廣博世界安立。世界輪。世界場。世界差別。世界轉。世界蓮華。世界須彌。世界名號。盡此世界海一切世界。由毘盧遮那世尊本願力故。我悉能知。亦能憶念。疏第二。如知娑婆下。類知利海。於中一。先通顯知。

多後別顯所知相狀今初有六重類知後後廣於
 前前初二皆同利攝多利而初但攝同類利故云
 塵數二卽異類利故云一切一切種類故三卽塵
 中攝利故細於前四卽十三佛利塵數圍繞界及
 廣大眷屬世界故云娑婆世界外等五卽普照十
 方熾然寶光明利種所攝利通二十重六卽全蓮
 華藏世界海後所謂下別顯所知相狀有十種一
 廣博卽所依種二安立卽因緣或所依住三卽輪
 圓四卽其中場地五體類各殊六轉者有二義一
 如輪側轉形故故世界成就品云或有世界隨輪
 所嚴故云由力

亦念如來往昔所有諸因緣海所謂修集一切諸乘
 方便無量劫中住菩薩行淨佛國土教化衆生承事
 諸佛造立住處聽受說法獲諸三昧得諸自在修檀
 波羅蜜入佛功德海持戒苦行具足諸忍勇猛精進
 成就諸禪圓滿淨慧於一切處示現受生普賢行願
 悉皆清淨普入諸刹普淨佛土普入一切如來智海
 普攝一切諸佛菩提得於如來大智光明證於諸佛

一切智性成等正覺轉妙法輪。及其所有道場衆會。其衆會中一切衆生往世已來所種善根。從初發心成熟衆生修行方便念念增長。獲諸三昧神通解脫。如是一切我悉了知。

疏第三亦念如來下別顯毘盧因果於中二先明因然有二義一者成上上但總云本願力故今別顯成利之因二者順後亦通正報之因後得於如來下顯果可知。

何以故我此解脫能知一切衆生心行。一切衆生修行善根。一切衆生雜染清淨。一切衆生種種差別。一

切聲聞諸三昧門。一切緣覺寂靜三昧。神通解脫。一切菩薩一切如來解脫光明皆了知故。

疏第二何以故下釋知所以。

爾時善財童子白瞿波言聖者得此解脫其已久如疏第四善財白言下顯法根深先問後答問中雖但問得法久近而義已舍修行久近得此法門故。

答言善男子我於往世過佛利微塵數劫有劫名勝行世界名無畏彼世界中有四天下名爲安隱其四天下闍浮提中有一王城名高勝樹於八十王城中

10

1 2 3 4 5 6 7 8 9 10 11 12 13 14 15 16 17 18 19 20

最爲上首。彼時有王名曰財王。其王具有六萬嬪女。五百大臣。五百王子。其諸王子皆悉勇健。能伏怨敵。疏答中分四。一明最初佛所發心修行。二於中間多佛修行。三證明得法之時。四多劫修瑩此法。初中分二。初正顯本緣。二結會古今。前中分十一。王都時處。

其王太子名威德王。端正殊特。人所樂見。足下平滿輪相備具。足趺隆起。手足指間皆有網縵。足跟齊正。手足柔軟。伊尼耶鹿王腨七處圓滿。陰藏隱密。其身上分如師子王。兩肩平滿。雙臂脯長。身相端直。頸文三道。頰如師子。具四十齒。悉皆齊密。四牙鮮白。其舌長廣。出梵音聲。眼目紺青。睫如牛王。眉間毫相。頂上肉髻。皮膚細軟。如真金色。身毛上靡。髮帝青色。其身洪滿如尼拘陀樹。爾時太子受父王教。與十千嬪女詣香牙園遊觀戲樂。太子是時乘妙寶車。其車具有種種嚴飾。置大摩尼師子之座而坐。其上五百嬪女各執寶繩。牽馭而行。進止有度。不遲不速。百千萬人持諸寶蓋。百千萬人持諸寶幢。百千萬人持諸寶幡。百千萬人作諸妓樂。百千萬人燒諸名香。百千萬人散諸妙華。前後圍繞而爲翊從。道路平正。無有高下。

衆寶雜華散布其上。寶樹行列。寶網彌覆。種種樓閣延袤其間。其樓閣中。或有積聚種種珍寶。或有陳列諸莊嚴具。或有供設種種飲食。或有懸布種種衣服。或有備擬諸資生物。或復安置端正女人。及以無量僮僕侍從。隨有所須。悉皆施與。

疏。二太子超倫。於中先具相後遊觀。鈔先具相者。經有三十二相。前文指此廣明。以文具故。今當畧說。準瑜伽四十九。及大般若第三百八十一說。然彼經次與今不同。今依彼經次第列名。以今經文注之於下。經云佛言善現。云何如來三十二相。

一世尊足下有平滿相。妙善安住。猶如奩底地。雖高下隨足所蹈。皆悉坦然無不等觸。今經當第三相。

相

二世尊足下千輻輪紋網轂。衆相無不圓滿。

四

三世尊手足悉皆柔夷。如覩羅綿。勝過一切。

八

四世尊手足二指中間。猶如鵝王。咸有網輶金色交絡。文同綺畫。

六

五世尊手足所有諸指。圓滿纖長。

甚可愛樂。

義當第二

六世尊足跟廣長圓滿。與趺

相稱。勝餘有情。

七

七世尊足趺修高。充滿柔夷妙好。與跟相稱。

五

八世尊雙腨漸次纖圓。如伊泥耶仙鹿王腨。

九

九世尊雙臂修直。膚圓如象王鼻。平

1 2 3 4 5 6 7 8 9 10 11 12 13 14 15 16 17 18 19 20

撰述

列傳卷十一

十一

立摩膝十四十世尊陰相勢峯藏密其猶龍馬亦如象王十一十一世尊毛孔各一毛生柔潤紺青右旋宛轉。二十九十二世尊髮毛端皆上靡右旋宛轉柔潤紺青嚴金色身甚可愛樂。三十十三世尊身皮細薄潤滑塵垢水等皆所不任。三十七十四世尊身皮皆真金色光潔晃曜如妙金臺衆相莊嚴衆所樂見。二十八十五世尊兩足二手掌中頸及兩肩七處充滿。十六世尊肩項圓滿殊妙。三十三十七世尊膊腋皆悉充滿。十五十八世尊容儀洪滿端直。三十一十九世尊身相修廣端嚴義

當第一。二十一世尊體相縱廣量等周匝圓滿如尼瞿陀樹。三十二二十一世尊領臆并身上半威容廣大如師子王。十二二十二世尊常光面各一尋欠此一相舍在第二樂見之中。一二十三世尊齒相四十齊平淨密根深白逾珂雪。十八二十四世尊四牙鮮白鋒利。二十二十五世尊常得味中上味喉脈直故能引身中諸支節脉所有上味風熱痰病不能爲雜由彼不雜脉離沉浮延縮損壞壅曲等過能正吞咽津液通流身心適悅常得上味。義似頸文三道卽當十六二十六世尊舌相薄淨廣

長能覆面輪。上至髮際。^一二十一二十七世尊梵音
詞韻和雅。隨衆多少無不等聞。其聲洪震。猶如天
鼓。發言婉約。如頻伽音。^二二十二二十八世尊眼睫。
猶若牛王紺青齊整。不相雜亂。^三二十九世
尊眼睛紺青鮮白。紅環間飾。皎潔分明。^四二十三
十世尊面輪。其眉滿月。眉相皎淨。如天帝弓。^五疑但
是頰如師子。則當十七^六三十一世尊眉間有白毫
相。右旋柔軟。如塊羅綿。鮮白光淨。逾珂雪等。^七
^五三十二世尊頂烏瑟膩沙高顯周圓。猶如天益
二十六善現。是名三十二大士相。釋曰。上依彼次

具引。今經望之。關於圓光一尋。舍在人所樂見之
中。若依瑜伽開四十齒。與牙齒鮮白有異。則具三
十二。今更依今經次列之。注大般若次第於下。^一
端正殊特。^二十九二人所樂見。^三舍於第五甚可愛樂
及第二十二圓光一尋。三足下平滿。一四輪相具
備。^四五足趺隆起。六手足指間皆有網鞔。^五七
足跟齊正。六八手足柔軟。^六九伊尼耶鹿王腨。八
十七處圓滿。^七五十一陰藏隱密。^八十二其身上
分如師子王。^九二十一十三兩房平滿。^十十四雙
臂膚長。^{十一}十五身相端直。^{十二}十六頸文三道。^{十三}義

撰述

華嚴疏鈔卷七十五

九

當二十五十七頰如師子。義當三十一十八具四十齒。二十三十九四牙悉皆齊密。大般若合上二則亦當二十三今依瑜伽開也。二十四牙鮮白。四二十一其舌長廣。二十六二十二出梵音聲。十七二十三眼目紺青。二十九二十四睫如牛王。二十八二十五眉間毫相。三十一二十六頂上肉髻。三十二二十七皮膚細更。十三二十八如真金色。十四二十九身毛上靡。十二三十髮帝青色。當第十一三十一其身洪滿。十八三十二如尼俱陀樹。二十釋曰。上畧會二經。若依瑜伽四十九及涅槃說。相因各異。又小不同。具如初會。

時有母人名爲善現。將一童女。名具足妙德顏容端正。色相嚴潔。洪纖得所。修短合度。目髮紺青。聲如梵音。善達工巧。精通辨論。恭勤匪懈。慈愍不害。具足慚愧。柔和質直。離癡寡欲。無諸諳詭。乘妙寶車。嫁女圍繞。及與其母從王城出。先太子行見其太子。言辭諷詠。心生愛染。而白母言。我心願得敬事此人。若不遂情。當自殞滅。母告女言。莫生此念。何以故。此甚難得。此人具足輪王諸相。後當嗣位。作轉輪王。有寶女出。騰空自在。我等卑賤。非其匹偶。此處難得。勿生是念。

撰述

華嚴疏卷七十五

刑

彼香牙園側有一道塲。名法雲光明。時有如來名勝日身十號。具足於中。出現已經七日。時彼童女暫時假寐。夢見其佛。從夢覺已。空中有天而告之言。勝日身如來於法雲光明道塲成等正覺。已經七日。諸菩薩衆。前後圍繞。天龍夜叉。乾闥婆阿修羅迦樓羅緊那羅摩睺羅伽。梵天乃至。色究竟天諸地神風神火神水神河神海神山神樹神園神藥神王地神等。爲見佛故。皆來集會。時妙德童女夢覩如來。故聞佛功德。故其心安隱。無有怖畏。於太子前而說頌言。

我身最端正。名聞徧十方。智慧無等倫。善達諸工巧。

無量百千衆。見我皆貪染。我心不於彼。而生少愛欲。無瞋亦無恨。無嫌亦無喜。但發廣大心。利益諸衆生。我今見太子。具諸功德。相其心大欣慶。諸根咸悅樂。色如光明寶。髮美而右旋。額廣眉纖曲。我心願事汝。我觀太子身。譬如真金像。亦如大寶山。相好有光明。目廣紺青色。月面師子頰。喜顏美妙音。願垂哀納我。舌相廣長妙。猶如赤銅色。梵音緊那聲。聞者皆歡喜。口方不褰縮。齒白悉齊密。發言現笑時。見者心歡喜。離垢清淨身。具相三十二。必當於此界。而作轉輪位。

疏三寶女求歸。於中分四。一具德端嚴。二見其下。

10

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

撰述

華嚴金剛卷之十五

十一

白母求事。三彼香牙下。夢覩佛興。四時妙德下。自陳心總有十偈。前三自述德堪。後七讚彼求納。
鈔三寶女求歸者。女人謂嫁曰歸。故周易中有歸妹卦。

爾時太子告彼女言。汝是誰女。爲誰守護。若先屬人。我則不應起愛染心。爾時太子以頌問言。

汝身極清淨。功德相具足。我今問於汝。汝於誰所住。誰爲汝父母。汝今繫屬誰。若已屬於人。被人攝受汝。汝不盜他物。汝不有害心。汝不作邪淫。汝依何語住。不說他人惡。不壞他所親。不侵他境界。不於他恚怒。

不生邪險見。不作相違業。不以詣曲力。方便訛世間。尊重父母不敬。善知識不見。諸貧窮人能生攝生不。若有善知識。誨示於汝法。能生堅固心。究竟尊重不。愛樂於佛不。了知菩薩不。衆僧功德海。汝能恭敬不。汝能知法不能淨衆生。不爲住於法中。爲住於非法。見諸孤獨者。能起慈心。不見惡道衆。能生大悲不。見他得榮樂。能生歡喜不。他來逼迫汝。汝無瞋惱不。汝發菩提意。開悟衆生。不無邊劫修行。能無疲倦不。疏四太子審問有十二偈。分三初二問其屬緣次。三審其內過後。七邀其進善。

10

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

撰述

爾時女母爲其太子而說頌言。

太子汝應聽。我今說此女。初生及成長。一切諸因緣。太子始生日。卽從蓮華生。其目淨修廣。肢節悉具足。我曾於春月遊觀娑羅園。普見諸藥草種種皆榮茂。奇樹發妙華。望之如慶雲。好鳥相和鳴。林間共歡喜。同遊八百女。端正奪人心。被服皆嚴麗。歌詠悉殊美。彼園有浴池。名曰蓮華幢。我於池岸坐。姝女衆圍繞。於彼蓮池內。忽生千葉華。寶葉琉璃莖。闇浮金爲臺。爾時夜分盡。日光初出現。其蓮正開剖。放大清淨光。其光極熾盛。譬如月初出。普照闇浮提。衆歡未曾有。

時見此玉女。從彼蓮華生。其身甚清淨。肢分皆圓滿。此是人間寶。從於淨業生。宿因無失壞。今受此果報。紺髮青蓮眼。梵聲金色光。華鬘衆寶髻。清淨無諸垢。肢節悉具足。其身無缺減。譬如真金像。安處寶華中。毛孔栴檀香。普薰於一切。口出青蓮香。常演梵音聲。此女所住處。常有天音樂。不應下劣人。而當如是偶。世間無有人。堪與此爲夫。唯汝相嚴身。願垂見納受。非長亦非短。非麗亦非細。種種悉端嚴。願垂見納受。文字算數法。工巧諸技藝。一切皆通達。願垂見納受。善了諸兵法。巧斷衆諍訟。能調難可調。願垂見納受。

撰述

華嚴疏鈔卷七十五

三

其身甚清淨。見者無厭足。功德自莊嚴。汝應垂納受。衆生所有患。善達彼緣起。應病而與藥。一切能消滅。闇浮語言法。差別無量種。乃至妓樂音靡。不皆通達。婦人之所能。此女一切知。而無女人過。願垂速納受。不嫉亦不慳。無貪亦無恚。質直性柔軟。離諸麁獘惡。恭敬於尊者。奉事無違逆。樂修諸善行。此能隨順汝。若見於老病貧窮在苦難。無救無所依。常生大悲愍。常觀第一義。不求自利樂。但願益衆生。以此莊嚴心。行住與坐卧。一切無放逸。言說及默然。見者咸欣樂。雖於一切處。皆無染著心。見有功德人。樂觀無厭足。

尊重善知識。樂見離惡人。其心不躁動。先思後作業。福智所莊嚴。一切無怨恨。女人中最上。宜應事太子。疏五女母代答。明有德無過。亦不屬緣故。應納受。三十一頌分六。初十一偈總顯報勝。次二偈別讚。端嚴三有三偈。明其絕倫。四有五偈。效能內滿。五有八偈。離非具德。末後一偈結讚所宜。

爾時太子入香牙園已。告其妙德及善現言。善女。我趣求阿耨多羅三藐三菩提。當於盡未來際。無量劫。集一切智助道之法。修無邊菩薩行。淨一切波羅蜜。供養一切諸如來。護持一切諸佛教。嚴淨一切佛國。

1 2 3 4 5 6 7 8 9 10 1 2 3 4 5 6 7 8 9 10

土當令一切如來種性不斷。當隨一切衆生種性而普成熟。當滅一切衆生生死苦。置於究竟安樂處。當淨治一切衆生智慧眼。當修習一切菩薩所修行。當安住一切菩薩平等心。當成就一切菩薩所行地。當令一切衆生普歡喜。當捨一切物。盡未來際行檀波羅蜜。令一切衆生普得滿足。衣服飲食。妻妾男女。頭目手足。如是一切內外所有。悉當捨施。無所惜。當於爾時汝或於我而作障難。施財物時。汝心憍惜。施男女時。汝心痛惱。割肢體時。汝心憂悶。捨汝出家。汝心悔恨。

疏六太子重邀謂若不障道。當隨汝意。於中先長行分二。初自述行深後。當於爾下。恐其爲障。

爾時太子卽爲妙德而說頌言。

哀愍衆生故。我發菩提心。當於無量劫。習行一切智。無量大劫中。淨修諸願海。入地及治障。悉經無量劫。三世諸佛所學六波羅蜜。具足方便行。成就菩提道。十方垢穢利我。當悉嚴淨。一切惡道難我。當令永出。我當以方便廣度諸羣生。令滅愚癡暗。住於佛智道。當供一切佛。當淨一切地。起大慈悲心。悉捨內外物。汝見來乞者。或生慳惜心。我心常樂施。汝勿違於我。

若見我施頭慎勿生憂惱。我今先語汝。令汝心堅固。乃至截手足。汝勿嫌乞者。汝今聞我語。應可諦思惟。男女所愛物。一切我皆捨。汝能順我心。我當成汝意。疏後偈頌十偈分三。初六偈頌其行深。次二頌半邀其莫障。後一偈半結令審思。

爾時童女白太子言。敬奉來教。卽說頌言。

無量劫海中。地獄火焚身。若能眷納我。甘心受此苦。無量受生處。碎身如微塵。若能眷納我。甘心受此苦。無量劫頂戴。廣大金剛山。若能眷納我。甘心受此苦。無量生死海。以我身肉施。汝得法王處。願令我亦然。

若能眷納我。與我爲王者。生生行施處。願常以我施。爲愍衆生苦。而發菩提心。旣以攝衆生。亦當攝受我。我不求豪富。不貪五欲樂。但爲共行法願。以仁爲王。紺青修廣眼。慈愍觀世間。不起染著心。必成菩薩道。太子所行處地。出衆寶華。必作轉輪王。願能眷納我。我曾夢見此妙法菩提場。如來樹下坐。無量衆圍繞。我夢彼如來。身如真金山。以手摩我頂。寤已心歡喜。往昔眷屬天。名曰喜光明。彼天爲我說。道場佛興世。我曾生是念。願見太子身。彼天報我言。汝今當得見。我昔所志願。於今悉成滿。唯願俱往詣。供養彼如來。

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

撰述

聖賢真錄卷七十五

疏七女敬順從有十四偈分三初三忘苦眷德次六希同勝行卽正是發菩提心後五勸詣如來爾時太子聞勝日身如來名生大歡喜願見彼佛以五百摩尼寶散其女上冠以妙藏光明寶冠被以火燄摩尼寶衣其女爾時心不動搖亦無喜相但合掌恭敬瞻仰太子目不暫捨

疏八太子攝受由敬佛心歡故

其母善現於太子前而說頌言

此女極端正功德莊嚴身昔願奉太子今意已滿足持戒有智慧具足諸功德普於一切世最勝無倫匹

此女蓮華生種姓無譏醜太子同行業遠離一切過此女身柔軟猶如天繒續其手所觸摩衆患悉除滅毛孔出妙香芬馨最無比衆生若聞者悉住於淨戒身色如真金端坐華臺上衆生若見者離害具慈心言音極柔軟聽之無不喜衆生若得聞悉離諸惡業心淨無瑕垢遠離諸諱曲稱心而發言聞者皆歡喜調柔具慚愧恭敬於尊宿無貪亦無誑憐愍諸衆生此女心不恃色相及眷屬但以清淨心恭敬一切佛疏九母陳慶遂故重讚女德十偈分四初一標其遂志次二德行懸同次四身語超倫後三內心蘊

10

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

撰述

華嚴疏錄卷七十五

德。

爾時太子與妙德女及十千妓女并其眷屬出香牙園詣法雲光明道場至已下車步進詣如來所見佛身相端嚴寂靜諸根調順內外清淨如大龍池無諸垢濁皆生淨信踊躍歡喜頂禮佛足繞無數匝于時太子及妙德女各持五百妙寶蓮華供散彼佛太子爲佛造五百精舍一一皆以香木所成衆寶莊嚴五百摩尼以爲間錯時佛爲說普眼燈門修多羅聞是經已於一切法中得三昧海所謂得普照一切佛願海三昧普照三世藏三昧現見一切佛道場三昧普

照一切衆生三昧普照一切世間智燈三昧普照一切衆生根智燈三昧救護一切衆生光明雲三昧普照一切衆生大明燈三昧演一切佛法輪三昧具足普賢清淨行三昧時妙德女得三昧名難勝海藏於阿耨多羅三藐三菩提永不退轉時彼太子與妙德女并其眷屬頂禮佛足繞無數匝辭退還宮詣父王所拜跪畢已奉白王言大王當知勝日身如來出興於世於此國內法雲光明菩提場中成等正覺于今未久爾時大王語太子言是誰爲汝說如是事天耶人耶太子自言是此具足妙德女說時王聞已歡喜

無量譬如貧人得大伏藏。作如是念。佛無上寶。難可值遇。若得見佛。永斷一切惡道怖畏。佛如醫王。能治一切諸煩惱病。能救一切生死大苦。佛如導師。能令衆生至於究竟安隱住處。作是念已。集諸小王羣臣眷屬。及以利利婆羅門等。一切大眾。便捨王位。授與太子灌頂訖已。與萬人俱往詣佛所。到已。禮足繞無數帀。并其眷屬悉皆退坐。爾時如來觀察彼王及諸大眾。白毫相中放大光明。名一切世間心燈。普照十方無量世界。住於一切世王之前。示現如來不可思議大神通力。普令一切應受化者。心得清淨。爾時如

來以不思議自在神力。現身超出一切世間。以圓滿音。普爲大衆說陀羅尼名。一切法義離暗燈。佛利微塵數陀羅尼而爲眷屬。彼王聞已。卽時獲得大智光明。其衆會中有闍浮提微塵數菩薩。俱時證得此陀羅尼。六十萬那由他人盡諸有漏。心得解脫。十千衆生遠塵離垢。得法眼淨。無量衆生發菩提心。時佛又以不思議力廣現神變。普於十方無量世界演三乘法。化度衆生。時彼父王作如是念。我若在家不能證得如是妙法。若於佛所出家修學佛言。隨意宜自知已。前白佛言。願得從佛出家修學佛言。隨意。宜自知

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

時時財主王與十千人。皆於佛所同時出家。未久之間。悉得成就。一切法義。離暗燈陀羅尼。亦得如上諸三昧門。又得菩薩十神通門。又得菩薩無邊辯才。又得菩薩無礙淨身。往詣十方諸如來所。聽受其法。爲大法師演說妙法。復以神力徧十方刹。隨衆生心而爲現身。讚佛出現。說佛本行。示佛本緣。稱揚如來自在神力。護持於佛所說教法。爾時太子於十五日在正殿上。媛女圍繞。七寶自至。一者輪寶。名無礙行。二者象寶。名金剛身。三者馬寶。名迅疾風。四者珠寶。名日光藏。五者女寶。名具妙德。六藏臣寶。名爲大財。七

主兵寶。名離垢眼。七寶具足。爲轉輪王。王闍浮提。正法治世。人民快樂。王有千子。端正勇健。能伏怨敵。其闍浮提中有八十王城。一一城中有五百僧坊。一一僧坊立佛支提。皆悉高廣。以衆妙寶而爲校飾。一一王城皆請如來。以不思議衆妙供具。而爲供養。佛入城時。現大神力。令無量衆生種諸善根。無量衆生心得清淨。見佛歡喜。發菩提意。起大悲心。利益衆生。勤修佛法。入真實義。住於法性。了法平等。獲三世智。等觀三世。知一切佛出興次第。說種種法。攝取衆生。發菩薩願。入菩薩道。知如來法。成就法海。能普現身。徧

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

一切利知衆生根。及其性欲令其發起一切智願。
疏十正共修行亦分十段。一詣佛供養。二時佛下。
聞經得法。三時彼太子下辭歸白父。四爾時大王
下。王審慶聞五作是念下禪位往觀。六爾時下聞
經得法。七其衆會人下兼益時會入時佛下。佛重
現通九時彼父王下。父王出家修證法門。十爾時
太子下太子紹位弘通大化。

佛子於汝意云何。彼時太子得輪王位供養佛者。豈
異人乎。今釋迦牟尼佛是也。財主王者。寶華佛是。其
寶華佛現在東方過世界海微塵數佛刹有世界海
名現法界虛空影像雲中有世界種名普現三世影
摩尼王。彼世界種中有世界名圓滿光中有道場名
現一切世王身。寶華如來於此成阿耨多羅三藐三
菩提不可說佛利微塵數諸菩薩衆前後圍繞而爲
說法。寶華如來往昔修行菩薩道時淨此世界海。其
世界海中去來今佛出興世者皆是寶華如來爲菩
薩時教化令發阿耨多羅三藐三菩提心。彼時女母
善現者。今我母善目是其王眷屬。今如來所衆會是
也。皆具修行普賢諸行成滿大願雖恒在此衆會道
場而能普現一切世間住諸菩薩平等三昧常得現

10

1
1
2
3
4
5
6
7
8
9

20

1
2
3
4
5
6
7
8
9

E0

見一切諸佛。一切如來。以等虛空妙音聲雲。演正法輪。悉能聽受於一切法。悉得自在。名稱普聞諸佛國土。普詣一切道場之所。普現一切衆生之前。隨其所應教化調伏。盡未來劫修菩薩道。恒無間斷。成滿普賢廣大誓願。佛子。其妙德女與威德王轉輪聖王。以四事供養勝日身如來者。我身是也。

疏第二佛子於汝意下。結會古今。

彼佛滅後。其世界中。六十億百千那由他佛出興於世。我皆與王承事供養。其第一佛。名清淨身。次名一切智月光明身。次名聞浮檀金光明王。次名諸相莊嚴身。次名妙月光。次名智觀幢。次名大智光。次名金剛那羅延精進。次名智力無能勝。次名普安詳智。次名離垢勝智雲。次名師子智光明。次名光明髻。次名功德光明幢。次名智日幢。次名寶蓮華開敷身。次名福德嚴淨光。次名智燄雲。次名普照月。次名莊嚴益妙音聲。次名師子勇猛智光明。次名法界月。次名現虛空影像開悟衆生心。次名恒艱寂滅香。次名普震寂靜音。次名甘露山。次名法海音。次名堅固網。次名佛影髻。次名月光毫。次名辯才口。次名覺華智。次名寶燄山。次名功德星。次名寶月幢。次名三昧身。次名

10

1 2 3 4 5 6 7 8 9

20

1 2 3 4 5 6 7 8 9

30

1 2

40

1 2 3 4 5 6 7 8 9

寶光王次名普智行。次名燄海燈。次名離垢法音王。次名無比德名稱幢。次名修臂。次名本願清淨月。次名照義燈。次名深遠音。次名毘盧遮那勝藏王。次名諸乘幢。次名法海妙蓮華佛子。彼劫中有如是等六十億百千那由他佛出興于世。我皆親近承事供養。疏第二彼佛滅後下見中間多佛。畧列四十。其最後佛名廣大解。於彼佛所得淨智眼。爾時彼佛入城教化我爲王妃。與王禮覲以衆妙物而爲供養。於其佛所聞說出生一切如來燈法門。卽時獲得觀察一切菩薩三昧海境界解脫。

疏第三其最後佛下證明得法之時。最後者卽六十億那由他之後耳。

佛子我得此解脫已。與菩薩於佛刹微塵數劫勤加修習於佛刹微塵數劫中承事供養無量諸佛。或於一劫承事一佛。或二或三。或不可說。或值佛刹微塵數佛。悉皆親近承事供養而未能知菩薩之身形量色貌。及其身業心行智慧三昧境界佛子若有衆生得見菩薩修菩提行。若疑若信。菩薩皆以世出世間種種方便而攝取之。以爲眷屬。令於阿耨多羅三藐三菩提得不退轉。

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

疏第四佛子我得此下明多劫修瑩於中一一於
一刹塵劫修行於中亦二先多劫修行未窮菩薩
之境後佛子若有下明菩薩難遇見者不空
佛子我見彼佛得此解脫已與菩薩於百佛刹微塵
數劫而共修習於其劫中所有諸佛出興于世我皆
親近承事供養聽所說法讀誦受持於彼一切諸如
來所得此解脫種種法門知種種三世入種種刹海
見種種成正覺入種種佛衆會發菩薩種種大願修
菩薩種種妙行得菩薩種種解脫然未能知菩薩所
得普賢解脫門

疏二佛子我見下於百刹塵劫修行於中亦二初
多劫修證未知菩薩解脫

何以故菩薩普賢解脫門如大虛空如衆生名如三
世海如十方海如法界海無量無邊佛子菩薩普賢
解脫門與如來境界等佛子我於佛刹微塵數劫觀
菩薩身無有厭足如多欲人男女集會遇相愛染起
於無量妄想思覺我亦如是觀菩薩身一一毛孔念
念見無量無邊廣大世界種種安住種種莊嚴種種
形狀有種種山種種地種種雲種種名種種佛興種
種道場種種衆會演種種修多羅說種種灌頂種種

撰述

華嚴疏錄卷九十五

三

帝

諸乘種種方便。種種清淨。又於菩薩一一毛孔念念常見無邊佛海。坐種種道場。現種種神變。轉種種法輪說種種修多羅。恒不斷絕。又於菩薩一一毛孔見無邊衆生海。種種住處。種種形貌。種種作業。種種諸根。又於菩薩一一毛孔見三世諸菩薩無邊行門。所謂無邊廣大願。無邊差別地。無邊波羅蜜。無邊往昔事。無邊大慈門。無邊大悲雲。無邊大喜心。無邊攝取衆生方便佛子。我於佛利微塵數劫念念如是觀於菩薩一一毛孔已所至處而不重至。已所見處而不重見。求其邊際竟不可得。乃至見彼悉達太子住於

宮中。妓女圍繞。我以解脫力觀於菩薩一一毛孔。悉見三世法界中事。

疏後何以下釋。不知所由。釋中亦一一先總顯深廣。謂所以不知者。以稱事理之無邊。等諸佛之境界。故斯則等覺菩薩解脫十地不知。故名普賢解脫。後佛子我於佛利下別顯深廣難知之相謂一毛。卽不可窮。况多毛多身廣大之用。以是無盡無邊之法門。故於中五一毛中見器世間。二見智正覺世間。三見衆生世間。四見菩薩修行。五佛子我於下總結不窮深廣。

10

1 2 3 4 5 6 7 8 9

20

1 2 3 4 5 6 7 8 9

佛子。我唯得此觀察菩薩三昧海解脫。如諸菩薩摩訶薩究竟無量諸方便海爲一切衆生現隨類身爲一切衆生說隨樂行於一一毛孔現無邊色相海知諸法性無性爲性。知衆生性同虛空相無有分別。知佛神力同於如如徧一切處示現無邊解脫境界於一念中能自在入廣大法界遊戲一切諸地法門。我云何能知能說彼功德行。

疏四謙已推勝

善男子。此世界中有佛母摩耶汝詣彼問菩薩云何修菩薩行於諸世間無所染著供養諸佛恒無休息

作菩薩業永不退轉離一切障礙入菩薩解脫不由於他住一切菩薩道詣一切如來所攝一切衆生界盡未來劫修菩薩行發大乘願增長一切衆生善根常無休息爾時釋迦瞿波女欲重明此解脫義承佛神力卽說頌言。

若有見菩薩修行種種行起善不善心菩薩皆攝取乃往久遠世過百刹塵劫有劫名清淨世界名光明此劫佛興世六十千萬億最後天人主號曰法幢燈彼佛涅槃後有王名智山統領闍浮提一切無怨敵王有五百子端正能勇健其身悉清淨見者皆歡喜。

彼王及王子。信心供養佛。護持其法藏。亦樂勤修法。
 太子名善光。離垢多方便。諸相皆圓滿。見者無厭足。
 五百億人俱出家行學道。勇猛堅精進。護持其佛法。
 王都名智樹。千億城圍繞。有林名靜德。衆寶所莊嚴。
 善光住彼林廣宣佛正法。辯才智慧力。令衆悉清淨。
 有時因乞食入彼王都城。行止極安詳。正知心不亂。
 城中有居士。號曰善名稱。我時爲彼女。名爲淨日光。
 時我於城中遇見善光明。諸相極端嚴。其心生染著。
 次乞至我門。我心增愛染。卽解身瓔珞。并珠置鉢中。
 雖以愛染心。供養彼佛子。二百五十劫。不墮三惡趣。

或生天王家。或作人王女。恒見善光明。妙相莊嚴身。
 此後所經劫。二百有五十。生於善現家。名爲具妙德。
 時我見太子。而生尊重心。願得備瞻侍。幸蒙哀納。受
 我時與太子。覲佛勝日身。恭敬供養畢。卽發菩提意。
 於彼一劫中。六十億如來。最後佛世尊。名爲廣大解。
 於彼得淨眼。了知諸法相。普見受生處。永除顛倒心。
 我得觀菩薩三昧境。解脫一念入十方。不思議刹海。
 我見諸世界。淨穢種種別。於淨不貪樂。於穢不增惡。
 普見諸世界。如來坐道場。皆於一念中。悉放無量光。
 一念能普入。不可說衆會。亦知彼一切。所得三昧門。

10

1
1
2
3
4
5
6
7
8
9

20

1
2
3
4
5
6
7
8
9

30

1
2
3
4
5
6
7
8
9

一念能悉知彼諸廣大行。無量地方便。及以諸願海。我觀菩薩身。無邊劫修行。一一毛孔量。求之不可得。一一毛孔刹。無數不可說。地水火風輪靡不在其中。種種諸建立種種諸形狀。種種體名號。無邊種莊嚴。我見諸刹海。不可說世界。及見其中佛。說法化衆生。不了菩薩身。及彼身諸業。亦不知心智。諸劫所行道。爾時善財童子頂禮其足。繞無數匝。辭退而去。

疏第五指示後友分二。先指後位。如後當釋。後頌前法。臨行再述故。三十一偈分三。初一總顯菩薩益生。超頌前見者不空。生下女人染心之益。次十

五偈明遠劫前事。長行所無。長行語真淨發心。但論德女。今則收其雜善。故敍遠緣。以龐况妙。後十五偈正頌長行德女因緣。上寄位修行相音。

佛弟子沈明修摹刻此卷



與緣東塔比丘弘法助板二百五十塊

零募錢一千八十五文 張應春等銀三錢二分 大蘭淨錢一千文 又募錢一百七十文

願祈同登華藏

大方廣佛華嚴經疏鈔卷七十五

終

10

1

2

3

4

5

6

7

8

9

20

1

2

3

4

5

6

7

8

9

80

1

2

3

4

5

6

7

8

9

大正貴學集卷之十五

則亦開空華城

三十人也。吾不無以爲
與其外也。吾不無以爲五十尺

者。余不無以爲三十尺

正貴正題是吾丈固也。吾不無以爲三十尺
論者。不無以爲其言者。不無以爲其言者。不無以爲其言者。

正貴理數根而擇氣音。他無是音。是其聲也。是其聲也。

10

1

2

3

4

5

6

7

8

9

20

1

2

3

4

5

6

7

8

9

80

1

2

3

4

5

6

7

8

9

10

11

12

13

14

15

二
八

二
八